



縵雅堂駢體文

一





文體駢堂雅縵

(一)

著壽詒王

序

同治五年馬端敏公撫浙。以舊籍散佚。剞設書局。羅名雋士實其中。時余客端敏幕。與孫丈琴西、高丈伯平、實贊成之。山陰王廣文眉叔。最後來與校讎之事。久遂與余識。後局移戴園。居益近。過從益數。而局中諸君。或以科第去。或得官去。不則載筆劄游四方以去。獨眉叔貧老守局中。且善病。余閱其寂寂也。思有以慰之。恆招之至。至則爲余商榷文字。有疵累必言。言無不盡。己卯榜後。眉叔益不自聊。余謂眉叔曰。君老矣。復何欲。眉叔蹙然曰。余何欲也。大功盛名。吾欲之不及。媿媿富若貴。吾不敢欲。欲亦未必能得。獨生平仰屋捫腹。噴心血。積紙盈尺。脫不覆瓿。後世知有誰某姓名。此不能無欲者。余爲之懼然。以悲。眉叔所爲詩古文詞甚夥。既自刊筌月詞。余乃取其駢儷文若干卷。屬自點定。謀同人集貲刊之。眉叔感余意。退而泣下者數四。蓋庚辰冬閒事也。臘垂盡。眉叔將以歲事歸。手其文來付余。且言別。余謂春閒當成書報君。既度歲。以文授工。工未半而眉叔之訃至矣。嗟乎。士窮困抑塞。束手不任天下事。至其老也。僅僅出其餘。作爲文詞。欲自附於傳人之後。而卑賤無貴顯交。其所著述。率不過一人一家之言。於世無大關繫。雖傳亦不能遠。而天或且靳之。如眉叔之文。幾幾可傳矣。顧仍不及見其書之成。又若或以此而促其年者。其亦可哀也夫。訃之至也。余既爲位哭之。因促梓人速其成。猶懼中止。而或尼其傳也。若夫余之不文。烏足以知眉叔之文也。顧斷斷焉爲之序者。仍眉叔之志。不敢負死友之屬也。光緒辛巳閏七月仁和許增。

祭文

光緒七年十一月日。陽湖汪學瀚、平湖徐惟錕、仁和許增、許郊、潘鴻、張大昌、陳霖、錢唐、漢子潼、謹以香醪一甌、溪簌盈掬、龍涎之炷、雪谷之冰、致祭於

眉叔先生之靈。嗚呼！鶴歸丁令，盼落月兮來無。鵬賦賈生，傷流風兮已盡。電光泡影，頃成宿草之悲。雋語清詞，遽醒生花之夢。竊以苔岑跂舊，蘭契思今。珠樹仙才，玉臺詩格。倚聲鏤月，勝柳七之歌詞。走筆鍾霞，具蘇髯之興會。記拔劍而斫地，親覘奇氣激昂。擬援琴而登牀，終歎遺音閨寂。莫禳龍蛇之歲讖，祇餘麟鳳之聲華。風燭一朝，雲煙萬古。玉樓何處，擬通芳柬而無從。瑤情有知，爲酌桂醕而尙饗。往時小海吟興如存，今日大招靈談定接。歌以當哭，爰進蕪辭。來些讀騷，藉抒蒼悃。辭曰：

稽山兮峯青，湘湖兮波渟。君之居兮寒煙局，揚素旒兮駕翠輅。乘風來兮歆余馨，薦梓孟兮酌醪醑。望顏色兮雲杳冥，幽顯隔兮如有靈。佩珊珊兮臨吾庭，欲見而終不得見兮。暮馨歛以傾聽，願君醉此觴兮。鑒故人之微誠。

緜雅堂駢體文目錄

卷一

恭擬皇上龍飛親政頌

獨石軒遺集序

秋言自序

亦廬詩序

文學鄺君墓誌銘

擬駱右丞蕩子從軍賦

趙壹論

讀葛壯節公年譜書後

仕女冊題詞

卷二

鐙景賦

甘肅武威縣知縣張公墓誌銘

與諸賢義軍統領包君書

答南社諸子書

留園詩序

游仙華山記

詒安堂詩三集序

蘭谿留別陳學博序

秋感賦

王觀察誄

感逝吟序

卷三

游鳳鳴山記

重修仙華山昭靈宮碑

暨陽道中與沈學博書

仲泉遺詩序

曼志堂餘集序

退宜堂詩序

與秦勉鉏書

皋社聯吟集序

上徐少宗伯書

外祖沈香崑先生遺詩合鈔序

明處士吳慎直先生畫象贊

卷四

玲清仙館詞序

越郡闡幽丁錄序

仁圖張君畫象贊

讀伏敵堂詩書後

祭浦江令李君文

乞巧文

海運賦

燐火賦

李絳真宰相論

卷五

報孫彥清書

寫觀世音經告文

送譚仲儀之皖序

帶經堂記

送何鏡山之官建州序

與陳藍洲書

與施均父書

歷朝詩錄自序

春游湖上小記

秋舫填詞圖自序

小螺盦病榻憶語序

卷六

臬園修禊序

復見心齋詩集序

瀛花小錄序

藏書自記

與友人書

蘭谿訓導陳君誄

皋雲集序

報陶子珍書

杭州重建揚清祠碑

卷七

桐屋遺詩序

報李悉伯書

書煙霞萬古樓文集後

李黼堂中丞三山歸權圖序

報孫子九書

陝甘總督相國左公七十壽頌

送門人余遠帆歸新安序

黃烈婦誄

蕩絲詞序

許邁孫重刊靈芬館詞跋

生春詩錄序

卷八

九招

七歎

緜雅堂駢體文卷一

清 山陰王詒壽眉叔著

恭擬皇上龍飛親政頌并序

臣聞大庭膺籙。三辰增玉宇之輝。華殿垂衣。五緯順瑤樞之軌。虞后升壇之日。寶露凝雲。姬王御宇之年。榮光暮水。蓋惟神靈之首出。斯瑞應之呈休。炳炳乎煌煌乎。莫不照耀于紫微。綢繆于青簡者矣。欽惟皇帝陛下。秉德承圖。累仁嗣構。金繩高握。玉鏡重光。溯在降靈誕寶之年。已徵璧合珠連之象。故自龍飛首祚。鳳曆初基。承兩宮皇太后聖善之音。布一代中興之治。十年以來。王政之隆。可敬述焉。夫莫階簪笏。不無凶德之共躩。桐壁冠裳。亦有流言之管蔡。于時顯皇帝宸游翠輦。正憫蒼梧。我皇上誕生茲。狼貪虎噬之爲。蘇倫罔辰。豺聲自恣。敢萌跋扈之心。鳳諾頻辜。竟矯絲綸之詔。鼠聖狐神之黨。肘腋生茲。狼貪虎噬之爲。蘇倫罔顧。國家多故。中外生疑。遂乃虎衛星嚴。龍驤夜勅。金鈇秋厲。丹劍晨馳。蠹潛何處。雷行木尺之封。獍惡同誅。雨濺藁街之血。九重有慶。萬歲齊呼。此誅姦之政。爲乾綱所首斷也。由是肅槐棘之班。重鹽梅之任。玉珂上相。秉矩心衡志之風。金葉賢王。佐方扈邁軒之治。几杖錫論經之傅。妙簡耆英。節旄授分陝之臣。詎論資序。花蚪紫玉。非無異數之頒。鶴券金書。亦懋助臣之賞。猶復鸞章屢下。褒及先賢。鴻澤所流。不遺孤節。此崇賢之政。爲今代所獨隆也。且夫狐金鋒毒。元靈開玉璜之經。蠻海氛高。丹浦澤素車之旅。聖世未嘗捐武備。皇古不能無討征。溯自粵氛不靖。甌結連年。彌天逆餒。金狼聯狗國之芒。卷地妖腥。銀鶴走烏

飛之隊。驛騷逾乎半壁。蔓延及于百城。又西北之興戎。共東南而告亂。絳頭走戟。犬羊之衆方張。白帽銜刀。豺虎之羣雜起。國家承平既久。人不知兵。草野流離。海山簸蕩。于是赫然震怒。分命將臣。天戈一麾。陳雲四裂。發羽林之萬騎。用壯兵威。包域外爲一家。兼驅蕃部。驚殘疊鶩。西平入蔡之軍。奪得崑崙。天使張燈之宴。血洗大黃之箭。鏡吹俱騰。頭懸太白之旂。鯨鯢盡戮。百戰百克。迅掃腥煙。南征北征。悉承廟勝。此又武功之震乎四海者也。當鷹武卽戎之日。正螭坳進學之年。天竄聰明。聖惟睿哲。玉龍階靜。時投乙夜之籤。朱雀圖開。兼講庚鈴之策。金峰訪道。何必赤松。琳笈陳經。非惟青纂。及乎天步既安。聖學益懋。銘題寶鏡。藻生奎象之光。歌禽卿雲。聲合洪鐘之奏。益復布右文之化。推作人之恩。星軺玉尺。先量使者之才。月海珠光。無蔽鏡中之照。麟龍列陛。金箭羅材。彩苞羸鳳。日邊琴瑟之樓。縹帶迴鸞。天上圖書之府。此文德之冠乎百王者也。他如島夷交臂。刑白馬以輸誠。中使頒恩。憫哀鴻而發粟。屢下求言之詔。宏開納諫之風。金雞放而狂獄常虛。翠羽焚而鹿裘可法。咸皆秉珍謨于宸掖。受懿訓于天闈。紫駟宿春風。奉巡歷之車。素練璇宮。霽月布光輝之德。用能化章坤典。瑞應乾文。運皇極之大鈞。恢帝維之宏軌。今者兩宮皇太后退居長樂。皇帝陛下親總萬幾。九天闔闔。日麗彤雲。百爾衣冠。風清朱序。黃麟瑞野。被聖澤之龐鴻。火鼠窮郊。奉天朝之正朔。星明龍體。值西陵嫫祖之歸。露沐蠶宮。修東館堯門之禮。萬國歸事親之美。普天仰孝治之隆。臣忝列章縫。夙承陶育。恭逢盛典。忻溢徵忱。蒼烏枝上。知帝孝之休徵。黃鵠池邊。識神符之德感。沛新綸于瑤甸。早消玉弩之塵。瞻寶氣于霞衢。敢效金天之頌。謹拜手稽首而獻辭曰。皇矣

上帝鑒在明德。眷命我朝。誕降聖哲。教秉彤宮。化宣丹敷。昔在初基。有矧危國。銀鉞飛霜。金緹馳墨。魁慝授首。不動聲色。鴟惡既消。狐火旋息。威申武帳。義肅嚴律。爰簡忠智。乃升賢良。輔仁導義。警倦戒荒。金樞玉鼎。鶴濟鸞跼。艾綬郁郁。蓮炬煌煌。恩禮所接。侍從亦光。慎爾岳牧。錦節臨疆。九華天語。五雲龍章。溫渥之澤。湛露瀼瀼。厥有封狼。睽陽當路。惟羈惟繫。跳梁騰鶩。我武維揚。龍躍虎步。上承廟謨。遠震天怒。蕭斧截萑。洪鑪炳絮。迅儷風發。捷馳露布。秋靜白狼。歌騰朱鷺。寰海鏡清。永沐甘澍。武成既告。文治用垂。丹書早拜。赤誦同師。經橫紫座。講啓玄墀。推論書傳。斟酌藝辭。帝學日進。雅化風馳。林無雉竄。殿集鳳雉。賦獻赤雁。詩和玉芝。仰承宏德。以鳴盛時。於鑠我皇。憲章琬緯。慈雲所被。慶澤咸萃。大政始親。鉅綱已備。雕氣降霄。珍露呈味。鏡天黃光。幕地紫黓。道昭日月。祥徵休懿。朝野慶流。臣庶忭臆。萬壽無疆。皇風永被。

董嘯巖先生獨石軒遺集序

天神鐵人地。虎氣終騰。特珠淪淵。蟾彩不泯。山陰董嘯巖先生。南湖詩老。陳芳仙人。廿年祕笈。風雨致其邃思。萬里行滕。雲霞涵其殊狀。積玉成圃。擲地有聲。黃鶴一去。秋蜩等散。往者會稽商寶。意太史輯越風。載先生詩僅十餘首。小傳言其全藁已佚。蓋甚惜之也。藪橋參軍。先生之文孫也。祖硯早傳。先澤是寶。傷青箱之莫守。冀錦字之未湮。爰乃走燕雲。歷海嶠。冥搜冷肆。徧訪故家。久之始得舊寫本于閩中某氏。合以舊藏。編成全集。誠芬苑之盛事。騷林之至寶矣。不鄙樸味。屬弁其首。受而讀之。挾摛華藻。黼黻性情。雖主中晚之一格。實包晉宋之衆製。是故求友之聲。婉以擊。託物之言。綺以深。行役之什。瑰以麗。據裏之作。

沈以鬱。稽往興感。洋洋乎古音。卽景流唱。落落乎松吹。咀其賡詠。迹彼生平。蓋有學養之功焉。有游歷之助焉。若乃植蔗妙年。扇芬青社。擅芳蘭謝生之譽。鄙蝮蜺魏收之狂。論尺讀書。稱銖構莪。蕉葉未展。縑帛亦以寫詩。玫瑰獨笑。童僕知其得句。則二酉集爲少作也。一劔長征。雙輪遠客。折玉河之楊柳。弔金臺之夕陽。白狼秋色。寒到榆關。元鶴西風。夜唳竹廟。客彈長缺。變酒徒擊筑之聲。馬嚼殘芻。疑古驛催詩之雨。則北行集爲壯游也。及夫殿前獻賦。長樂拜官。望西山而支版。職非馬曹。對翠屏而放衙。訟鮮雀角。觀梅之開。堆奇書五千卷。粲花之吻。啖荔支三百顆。則作令時有鳴琴集也。蘿袋一視。猿鶴相招。焚魚碧山。抽帆塵海。鹿門有屋。言歸鬱林之裝。陽羨無田。又作荊州之客。山中泉水。淨滌吟心。雲外高樓。橫飛賦筆。則去官後有解組集也。貞曜莫潛。壯心未已。黑水靈關之險。青天蜀道之難。夜雪一鞭。爭行虎熊之徑。秋濤萬疊。倒吹龍蝦之風。青鱷海上。長吟叩舷。紅毛城頭。高唱和角。則入蜀渡臺二集。成于中年也。及夫倦翮還林。歸雲棲岫。石丈無恙。獨坐可以晤言。橘奴猶存。千頭藉之給食。于是讀道德。注南華。參青髓之精。尋玉池之祕。紫房碧宇。所思乃在帝鄉。禪榻藥爐。妙悟生于靜境。則息景學道二集。爲其晚歲所作也。訂卷十二。合篇千餘。青字蟠胸。吐煙雲而萬變。寶氣滿紙。鑄今古爲一家。白太傅之篇章。早見雞林爭購。孔巢父之詩卷。固宜天地長留。然自散佚以來。已逾五紀。假非葢橋搜訪之勤。則亦比之嵇康廣陵之散。竟成絕響。昌谷錦囊之句。終淹瀾中耳。玉盧誰守。篆麟不磨。雖曰數存。亦賴後人之賢矣。詒壽感流風之已遠。頗憾遲生。幸白雪之成編。快茲先覩。蓋誠不能已于言云。

秋言自序

壬子之秋。假榻宣州署齋。老屋十笏。青山半牆。雙桐覆庭。苔痕緣城。金甌振厲。脫葉亂飛。渺兮予懷。悲哉秋氣。況乃素屏燭景。涼湍潺潺。清砧三更。明月千里。其或暗雨灑窗。冷枕阻夢。玉河無景。白雁有聲。莫不感動羈客。觸念鄉關。青鏡有流年之悲。碧雲結美人之思。同居之客。秣陵汪子。臨甫會稽胡君。赤城乃相約。舉清尊之局。申養夕之歡。主客迭爲。談諠竝作。雄雌論劍。甲乙品香。齊諸志怪。東坡說鬼。雄雞旣號。哈笑未已。亦有慨海宇之多故。念修名之不立。酒薄不醉。卿言始愁。然而苔岑良契。共此流連。桂樹王孫。何傷偃蹇。今夕止談風月。當世自有夔龍。聊以解憂。無關清議。憑臆而發。小言爲多。筆而存之。亦鴻泥之印矣。敬亭十月。梅花欲開。白雲不飛。征舸將發。爰稍排比成卷。書其緣起于簡端。他日者爲風之搏。爲霧之隱。思而不見。天各一涯。酒醒衫寒。燈青漏永。冀展此編。如親語笑也。

沈竹虛亦廬詩序

彎彎流水。花疏竹野之間。宛宛書堂。茶熟香清之候。竹虛先生于是提挈鷗鷺。夷猶琴書。拓雲霞之靈殼。渺松石之幽趣。秋月入戶。滌古研以露華。春聲隔簾。蒼林禽之風遞。長歌塵外。真人天際矣。詒壽與先生忘年訂契。彌日言驩。款松風之關。雙鶴迎屐。酌花閒之酒。一蜚上衣。瑤襟旣諧。瓊笈斯倒。遂出示所著亦廬詩四卷。臨風一歌。亂墮珠玉。口香三日。如餐茯苓。夫秋士工愁。咸極鬱伊之思。羈旅善感。不無蕉萃之吟。先生少嬰痼疾。長謝纓綬。種桑百株。有田二頃。資身裁給。于世無求。蕭園良書。悅觀于曠。且長統樂志。

安神乎閨房。天籟自鳴。清商閒發。寫南風之雅操。谿壑迴其春姿。傲北山之白雲。金碧謝其麗績。無託怨悱之旨。獨奏鏘洋之音。飄乎欲僂。淡而彌雋。斯蓋存乎其人。莫得而強也。詒壽以單寒之身。加之牢落。飢來驅我。鬼能笑人。隱南郭之几。印天而噓。跨東門之馬。愁思忽至。綵雲有日。莫之感。綠水興君子之嗟。詩以言情。歌惟當哭。以視先生之雅抱。冲襟良滋愧矣。芸帙在手。風琴忽聲。刺船海上。期成連之移情。散髮山中。讓孫登以獨嘯。

文學 鄺君墓誌銘

君諱文杰。字仙舫。山陰人也。黃扉舊裔。青箱世門。曾祖某。祖某。皆邑諸生。父某。以法家言游大江南北。生君于宿遷。故君又字遷林。石麟之譽。摩頂于導師。家禽之對。流慧于幼歲。年十六。始歸里門。僕以葦末之誼。遂辱壠畔之隨。君闕曾有珠。落唾成玉。張郎詩骨。天遣栽花。昌谷鬼才。句多積錦。跌宕自喜。流連多情。當夫原上草長。隴首雲飛。往往紅衫賭唱。青尊索飲。騎羊入市。人見詫以爲仙。鬪雞聯句。我當避之三舍。不樂爲制舉之文學。使者將案臨。僕數以爲言。始稍稍留意。一篇跳出。便成才子之文。千人軍中。遂樹漢家之幟。補博士弟子員。一應秋試。復屏棄鉛槧。一肆力于詩。又工詞曲。曉風楊柳之吟。秋雨梧桐之唱。播響于筳館。踞席于邃家。至于撫寫丹青。刻畫金石。靈稟所赴。神手自工。才者人所難。年少不廉。是之謂矣。君目無等輩。氣凌滄洲。既不善治生。家日益落。所適又多阻。黃金易盡。青眼莫逢。跳蕩之氣。漸摧。身世之感。彌軫。步兵縱酒。磊塊難澆。三閭問天。草木皆死。積此孤憤。遂成幽憂。未幾丁父艱。君舉聲一哭。嘔血數

升鶴弔空來。雞骨可把。明年配鄭儒人。又以暴疾亡。傷此嘉耦。思其淑儀。明月虛室。難消騎省之悲。秋雨茂陵。益甚文園之病。以咸豐某年月日。碎于里舍。年僅二十有七。嗚乎哀哉。君所箸有浣蓮室詩詞。及樂府雜曲數種。殘藁畸零。多未寫正。而金鏗已掩。玉樹長埋。楓林之夢不來。廣陵之散將佚。僕也腹痛三步。未忘生平之言。淚滴重泉。空抱人琴之感。蓋滋愧矣。其家將以某年月葬君于某原。爰爲之銘曰。

君之度兮翩然。美冠玉兮神仙。君之才兮秀絕。思澣月兮冰雪。嗚乎君兮。既豐于才。何嗇于祿。恨巫咸之下召兮。惜修齡之莫續。將羽衣兮吹笙。駟玉蚪兮紫清。抑海天以長歎。返鸞鶴兮瑤島。埋玉兮沈沈。與君永隔兮傷我心。作銘詞兮貞石。千載不磨兮土蝕莎侵。

擬駱右丞蕩子從軍賦

虜騎憑陵未解圍。迢迢瀚海羽書飛。三時陳氣連烽火。萬里秋風吹鐵衣。鐵衣遠戍幾時旋。蕩子一去年復年。馬蹶踏塞艸。雁景斷胡天。寶劍磨霜冷。雕弓抱月圓。曾持畫戟隨都護。幾逐朱旂掘左賢。戰壘乍看花似血。寒沙又見雪連川。若乃飛狐古塞。黑鷗舊城。犯煙塵而乘障。選驍銳以列營。一軍隘道邊。風勅半夜陰。山獵火明。磧裏雁刀凝凍色。雲中鼙鼓動雷聲。大呼先登震山谷。生小幽燕慣馳逐。既突陳而鶻擊。亦紿敵而獐伏。龍驤漢將奏金笳。獸散胡兒帶霜鏃。朔酒香催駱乳紅。燕姬豔擁貂榆綠。蕩子從軍有樂時。空閨倡婦獨含悲。銀泥裙寬蛺蝶帶。鈿雲髻亂芙蓉絲。隴隴寶鏡芳塵暗。滴滴銅壺漏箭遲。鐙何喜而結藥。鵲何事而繞枝。玉關短篴吹楊柳。征人此際應回首。淚洗花顏妾自憐。夢迷榆水君知否。傳來消息

鬱金堂。戰士紛紛盡返鄉。含歡檢麝合。連夜製鴉黃。明珠絲履兜尖繡。小朵瓊釵玳瑁裝。萬一朝來妝乍就。燕砧歸騎繫垂楊。

趙壹論

悲夫。燕昭王之不作。何處黃金之臺。平原君之云亡。空作墨絲之繡。供元瑜以艸具。安問高才。屈子昇于馬坊。等之賤客。片言見辱。淮陰興寓客之悲。廣坐方開。江夏有吳兒之叱。甚或骨傲遭讒。才奇得甌。平戎谷口。長聞夜哭之聲。漢陽江邊。尙有不歸之鬼。士生斯世。不獲求申于知己。千古傷之矣。然而一介之士。小異恆衆。器非荆璧。才謝國華。轉得扇白。望于縉紳。致青眼于賢達。流覽史冊。何代無之。嘗讀後漢書。趙壹傳。尤不能無惑也。或曰。炎靈再興。皇風播美。當壹之時。士大夫方事延攬。故高卿儀鳳。流美譽而振采。季英牧豕。伏長垣而見知。趙文楚之驅車。榮陽綬解。黃世英之就道。伊洛書迎。孟玉飲冰。太守之榻特設。孝威采藥。諸侯之贊屢來。凡此之倫。咸章當世。壹之遭遇。亦會其際耳。不知斯諸賢者。其高世之學。絕俗之操。實足以致車騎之侯門。冠劍之竦立。幅巾雍容。處之無愧。而壹初見擯于鄉鄰。既抵鼻乎髡鉗。本非葆素之良士。有同雕青之少年。其窮鳥之賦。疾邪之篇。又無海隅賦鵬之才。妄肆君門。信犬之詈。徒以上計一語。見合于袁逢。舉聲一哭。得通于羊陟。乃至朝賢竝論。坐分佩玉之班。良璞相期。申以泣血之剖。何其幸也。且夫宏通巨子。魁艾石師。與壹後先同時。而不獲一遇者。亦多矣。孟嘗高節。莫年爲伏莽之人。王符不升。孤憤箸潛夫之論。西河俊彥。課問名山。范陽病夫。空歌抱玉。而壹獨以薄植。暢茲榮問。意者將束

志道德之府。蹈節禮讓之林。懋箸儒風。藉答知己。不此之慮。乍脂歸轄。卽謁當途。趨迎稍羈。悻然又邁。斯蓋將命之偶失。不關吐握之無心。遷怒主人。先違忠恕。及乎追書謝舉。尊以所天。扞企德懷風之誠。極氣結汗流之致。猶復恃其驍悍。不少平心。逞曲詆于報章。肆橋言而無作。世豈有實行之士。而若是者。是直西州一妄男子耳。嗟乎嗟乎。士類不齊。眞賞安在。非必如葉之好龍。羊之夸鶴。譬之碧盧混龍淵之瑛。狗頓有時而見惑。縞鐵飾鶻膏之采。風胡猝遇而亦驚。故士勿論賢不賢。但論所遇之幸不幸。古今之際。大都皆然。可勝慨哉。

讀葛壯節公年譜書後

嗚乎大樹飄零。何處將軍之壘。靈旂風雨。長聞叱咤之聲。彌天之毒。燄難消。橫艸之雄心。竟遂。吾讀葛壯節公年譜。至定海殉難事。旣誌以詩。又書其後。良以燕領虎頭。空濺沙邊之血。梟鳴鷓鴣。已成海上之癩。問厥咎。其誰歸。爲浩歎而莫置者也。方其墨綜從軍。丹心莅事。乘王母委身之訓。矢岳侯涅背之忠。畫角動而蛇烏張。大旂樹而風雲變。周德威有知兵之號。賀若弼本大將之材。指麾以運神機。陳氣如墨。談笑而禽黠虜。敵膽皆青。銀駱橫飛。誓壻么麼之迹。水犀突擊。方乘颶火之鋒。何圖呂姥蕭娘。早驚鼙鼓。狐神鼠聖。偏慣譸張。條成噓蜃之樓。遽許刑牲之議。公以爲犬羊之性。不可恃也。豺虎之衆。不可馴也。不令其騎輪莫返。則國威不申。不使之窮島震聲。則窺伺未已。雖爭之甚力。而衆議益堅。公之憂于此深。公之死亦于此決矣。無何。提孤軍于遠嶠。憑三里之危城。宿將籌邊。方繕甲以防變。元戎高臥。乃受紿而不知。及

乎寇氛既深。異議又起。宋卿子之爲將。但醉安陽之觴。南霽雲之乞師。不發賀蘭之騎。盡勒蒼頭之旅。自衛中軍。全收金翅之船。但催陸戰。公全無退志。益厲軍心。此城是王熊冢。猪子誰過。一軍結亞夫營。龍首獨犯。擊懸輪而灰滅。阿童是水中之龍。橫雕戈而電馳。高昂亦地上之虎。然而守衛勿備。雖墨翟無以措也。衆寡過懸。雖孫吳不爲功也。墨騎星稀。絳頭霧涌。天鷲亂起。火雉難投。援絕矢窮。孤城告陷。公知事不可爲。乃結冠纓。解肘印。北面再拜。仰天大呼。身輕一鳥。直衝雀步之羣。怒裂雙眸。力斬狼頭之帥。刀光閃而血雨射。殺聲急而人頭飛。銑期之額中刃。破面重登。彭樂之腹受槍。截腸再戰。六日六夜。誓殉殘軀。十盪十決。敵呼神勇。嗚乎。落日慘陳雲之色。鬼馬騎歸。陰風吹天王之旂。將星飛墮。公之死事。可謂烈矣。夫渥洼之驥。拘于繫則無以絕塵。繁弱之弓。去其檄則蔑由命中。假使公當日者。重兵在握。竟登淮陰之壇。乘利而前。不受王渾之節。吹銅起旅。浴鐵驅羣。劍十萬以橫磨。箭一傳而四應。當必埽高昌之衆。迴首卽消。匪直守孝寬之城。百道可應。雄威誓遐服。捷羽報甘泉。庶幾虎步龍驤。高勒山頭之石。螺髻鷹目。永消海角之腥。柰何以衛霍之才。受制于愚妄。卒致長城自壞。強敵日張。蔓漸難圖。悔將何及。斯則寒沙折戟。尙未銷沈。夜月迴潮。終餘悲咽者矣。

費曉樓仕女畫冊題詞

仕女冊十幀。丹徒費丹旭曉樓之所作也。鳳窠羣女。蘭翹列花。霓裳衆仙。桂露濯景。意之所寄。綺其麗矣。子友鄭君子華。旣忻得寶。遠寄徵詞。時則淒商蟲階。隴月蟬幌。單枕無寐。秋釭自明。予乃爇沈煙。薦文錦。

發霞韜。展雲帙。則見珠撩結花。網戶洞月。朱塵以鏤。翡翠作綴。元墀樹瓊木爲籬。紅櫻垂幔。珍羽窺而無言。黃蜨上幰。雪毛起而將撲。其閒有麗人也。峩峩玉鬢。媿媿丹笑。竝鉛臉而勻露。犀簾窄波。翩蕙衫以當風。麟帶颺翠。擡衷掠鬢。如聞釧聲。拳袞結囊。疑度麝息。亦有絳蛺緤夕。素蜨媚涼。翦壁曲房。齒疏離榭。半臂添絮。銀葉之香。乍熏雙髻。吹笙杏花之景。滿地橫挑。瑟于麋綠之几。冑紺褰于金鷗之屏。酒暈初上。暝霞融唇。睡情將來。春漪澀睽。加以采蓮船窄。花迷素腕之香。折梅手纖。豔映紅兜之雪。蘭巾出浴。玉膚紗明。紅鞵踏青。芳艸步小。別有眉心。皺翠眼尾。溜珠待花袍其未來。倚碧闌而獨立。至乃豔思含雨。妒鴛暝之未醒。斜簪鬆雲。羞蛇醫之乍褪。莫不嫋曼呈態。淖約可呼。搜鷺海之衆香。沃鳳蕤之寸管。娟娟此豸。渺渺予懷。若通微波。斯涉綺想。然而都色之美。魂比之流。煙之移。眇櫻嚴妙旨。悟嚼蠟于橫陳。維摩法會。散天花而無箸。且也真符妍女。不無哮虎之故姿。摩登冶容。卽是雕鷲之變相。于非想天。作如是觀。不必懺空王。熏戒香。已足視釵鈿爲棘荆。齊髻黛于燐蔓。況夫憑意所造。構象于虛。則鷲谿絹中。更何異蜃雲海上。邪。明鏡無臺。空花有景。瑤嬈何處。導師將訶。還君此圖。脩予靜業。

緜雅堂駢體文卷二

鐙景賦

朱英墜雲。素魄窺戶。古雁翠擊。涼蛻絳吐。乍熠燿以呈輝。旋依微而凝炷。照威借乎秀華。光何羨乎玄圃。虛堂宵靜。幽館涼生。綠綺罷弄。清吟未成。餅花一朵兩朵。城鼓三更四更。跳兩喧瓦。飄颻入櫺。幢幢短燄。颯颯秋聲。黃葉古寺。青苔別院。竹榻僧孤。蓮社客散。寒入秋旂。星明廣殿。果落定中。茶熟香半。聞鐘鼓其無聲。耿琉璃而獨燦。別有瓊樓屏迴。翠閣簾橫。臉波掩苒。眉語分明。紅垂羅帳。綠臥瑤笙。鞦韆簪小。墮枕花輕。暎逗桁之蘭暈。縈入夢之香情。亦有空房膽怯。單帷寢遲。金燼半落。玉筯雙垂。前宵共景。今夜相思。斂蛾剔玉。箏鳳沈絲。風灑灑兮欲颺。情依依兮爲誰。況乃江店人稀。戍樓角奏。客路黃昏。離情紅豆。馬嚼芻殘。雁唳雨瘦。宵聲四起。涼夢未就。渺鬢景兮何處。檢淚粉之在袖。若夫鳳簫金鑊。犀櫳玉鉤。熏籠悄倚。翠被含愁。花外之龍鐘未動。月中之羊車不留。夜宴西宮之火。落葉長門之秋。莫不珠燄綺幽。金膏藻夕。暎殘曙而星微。留深更而痕碧。縱相對之各方。乃流輝之合轍。歌曰。洞房窈窕鎖蓮枝。蚪箭丁丁欲咽時。長夜文通賦。明缸謝朓詩。清光如夢簾垂地。爲問悲歡知未知。

甘肅武威縣知縣張公墓誌銘

夫尺緒縈杼。不能成雕錦之鳳。寸鱗伏藻。難與言雲津之龍。故奮功名于戎馬之中。有大才者斯效。闕措

應于赤緊之地。非咕嗶者所勝。若乃振轡絕塞。績蕤乎羽旂。弭車大邦。譽薏于金玉。三軍若雲。覽之望萬口。合神父之呼。如張公者。其庶幾卓犖才矣。公諱繼昌。字愚亭。山陰人也。西都鼎胄。世著簪纓。東浙名門。業傳緇素。曾祖某。祖某。皆潛德勿耀。葆貞里閭。父贈公某。冀北逸材。駿足未聘。征南幕府。美望早騰。生公兄弟四人。公其季也。靈奇所鍾。已徵于鷲集。明慧之質。咸許爲龍超。幼值多故。長而屢空。執贄無雁。或解鳳衣。煮字不糲。安謀雞饌。袁虎詠史。乃上運租之船。伯龍苦貧。亦逐什一之利。儒業勿終。非其志焉。既而贈公在陝西。得足疾。倦游思返。脂轄有羈。公以潘岳感秋之年。動仁傑望雲之慨。行李一肩。徒步萬里。虎落蛇鄉之地。芒屨屢穿。饕風虐雪之天。短衣誰伴。閒關彌歲。始抵所居。卒致安輿。迎歸故里。擊鮮數會。豈必陸賈之裝。問肉得餘。有逾曾元之養。融融二老。宗黨稱焉。及連丁大艱。哀毀盡禮。撫安豐之榻。瘦僅支雞。行富春之山。誠可感鶴。服既闕。援例入貲。以少尉需次甘肅。蓋道光戊子歲也。回疆未靖。奉檄襄辦軍械。劍氣吐耀。郭震爲鎧。胄參軍。盾頭揮豪。元康亦幕中快吏。旋補渭源典史。仍留軍中。踰年遷循化主簿。邊俸報滿。升皋蘭縣丞。旣得棲鸞之所。又開射鴨之堂。陸扶溝真清著稱。江丹陽風流不墜。時則翦長鯨于青海。方成龍額之功。結醜類于花門。復煽狼頭之燄。班旂星指。戰士雲屯。大府以公諳于軍務。又調理餉事。公許國有心。從戎奚謝。轉運疏勒之外。結屯白阜之陰。雖霜鏑縞目。雷桴殷聞。閒道踵進。源源無失。千夫給膳。嗤赤羽之晨飛。萬竈當關。謝沙籌之夜唱。事平論功。升知縣。初權會甯。會邑有新墾沙田。行省議加賦。公以爲反裘負薪。虞人之失計。貨穗償稅。章縑所深悲。旣爭不能得。則躬勸右門。悉貸貧戶。畫爲

良矩。民賴以安。乙巳補合水。次年調補武威。武威者。西涼之首劇也。紫魚上客。鶴蓋成陰。青題贅徒。虎冠爭逞。公蟬潔守己。鷹決鉏耨。投書百函。同官服其風骨。拔薤一本。豪族震其霜威。加以勤民驅春雨之車。聽訟繫虛堂之鏡。昔者兒寬課最。匪因催科。度尙爲政。精于發糶。以公方之。曾無多讓。咸豐戊申。粵寇扇氛。軍需旁午。公以俸入佐餉。加同知銜。是秋以疾告退。既謝事矣。刀環有日。幸蛟鶴之可親。巫咸遽來。紛旌雁其入夢。以是年十二月二十六日疾終于甘肅會城邸舍。年六十有六歲。嗚乎。荆玉忽折。孔松陽之云亡。社樹虛栽。宋汝陰之不再。其時長公子適自家鄉來省。遂扶公匱回籍。公基宇高遠。德稟仁明。既精理譜。亦善家法。畫虎有戒。屢寄伏波之書。佩囊可焚。用警謝郎之好。又況寒谷嘘春。夏暘蔭樹。濟人有鄭僑之惠。分金敦鮑叔之風。故當丹旆歸來之日。感動里閭。素車號哭而來。悲深故舊。配同邑沈宜人。龜玉淑質。纒蕙令儀。當戶機聲。早宜勞于馨室。持家林下。謝隨官于琴堂。穆穆雍雍。戚族號女宗焉。以咸豐甲寅六月三十日疾終于里第。年六十有九。子二。長容福。次端福。端福早歿。孫三。謙。恆。鼎。今將以某年月日葬公于某原。以狀來乞銘。爰敘次之。而系以辭曰。

良金之質。喬松其姿。道腴內闕。德輝外施。柳營宣力。花縣爲政。氣壯佩刀。智明縣鏡。瑣璜鉅才。秩秩良矩。人思其賢。我聞其語。天不假歲。倏焉云徂。永卽幽室。長遠昂徒。雲連鶴柱。松奏鸞笙。銘勒金石。千秋令名。與諸暨義軍統領包君書。

聞之銀旂。擧捷先乃決勝之師。牙帳。梟鳴。兇醜無久緝之勢。何則。理有順逆。杖順討逆者。功在必成。氣

有盛衰。因盛乘衰者。時勿可失。故吳子深猶豫之戒。太公貴速發之機。韜鈴所存。符節斯合。麾下擅丁甲之奇。抱龍螭之氣。元子紫眼。陳讖蟠蛇。黃公赤刀。神能制虎。運雷霆于掌上。珠籙飛靈。藏甲兵于胷中。玉符蘊祕。輟未乎中野。倚劒乎高峰。固將以揚聲洪戈。表績隆碣者也。自粵賊跳梁。三靈震蕩。虔劉徧東西之域。淪胥連吳越之區。彌天毒燄。甚大槍青犢之羣。卷地鮎魘。盡嚼鐵銜刀之類。豕喙噓而廬野罄。獍牙磨而血肉飛。鉞旄孺作笑嬉。驅青影爲奴隸。人遺碎玉。鬼妾充狼頭之娛。尉等摸金。殘魂哭鼈跳之家。含齒共憤。踐土同悲。而乃黑山飛燕。徧多助逆之妖。白棒老罷。曾無當道之臥。青壘有壞雲之壓。銅城鮮鐵版之縣。麾下嚼齒雷鳴。投袂鷹獍。獨能以負山之尺土。當倒海之狂氛。練烏合之鄉兵。拒鷗張之劇燄。鼓以忠義。白徒盡是追鋒。運之靈韜。赤手亦能搏賊。賀拔勝臨陳而立。色不改常。畢再遇披髮而來。敵先破膽。縞羽揮而風雲起。朱鳥列而神鬼趨。憑厓立稍。磊石卽夫容之樓。築土爲城。畫地勝蒺藜之鐵。用能斬豪帥以金刀。揚威聲于銀鎧。進一步者死。么麼之血亂飛。在兩山之間。燭髀之臺高峙。此誠豪傑自天。雄略冠世。伊古以來。鮮見其匹者矣。然而隅限之地。可始據不可終憑也。畝棲之糧。可暫資不可長恃也。義合之衆。可銳進不可老守也。及今廳發之氣方舉。電擊之威已行。鷗羣有唳鶴之驚。蠃黨鮮困獸之志。加以靡衣媮食之衆。日盼旌旄。巖棲海辟之家。爭儲牛酒。伏草義士。夜枕霜戈。看劍才人。潛書露布。以人心若此。以賊勢若彼。麾下誠能揮盾直出。振旅而前。將見天鷲一聲。怒笳雷應。墨騎始縱。壯士雲趨。鏖盜壕于春城。解倒縣于黔庶。亦猶之奔牛觸縞。洪鼎燭蓬耳。越中旣定。鼓行而西。連官軍于隔江。謁大帥于節

下。蕩穢瑤宇。策勛紫廷。拜九花之賜。天馬如龍。錫萬戶之封。黃金似斗。豈不盛與。乃若守不動之戒。失可乘之機。賊雖屢衄。其衆尙盛。遲之又久。則秣陵之魁桀。蘇臺之勍渠。一旦呼風大集。合衆力于絳頭。積怒而來。築長圍于犄角。孤村子峙。外援莫來。沙籥空唱。轉運之道難通。銅鼓無聲。荷戈之氣漸餒。戰士有思家之淚。軍中多夜半之驚。人心解矣。強敵乘之。麾下雖勇。轢資獲。略超孫吳。亦何能爲哉。某等忝列衣冠。同懷義憤。陳雲滿眼。望虎步而不前。疾雷乘鋒。識豹韜之可據。敢以鄙誠。達之幕下。伏望慰來蘇之衆慕。卽衷甲以長驅。三軍大呼。一鼓作氣。庶幾黃狐殘火。不污清淑之湖山。白馬將軍。永誦焜煌之武烈。臨穎不勝翹足延盼之至。

壬戌冬粵寇陷越。諸暨包君立身起義守包村。自癸亥春徂秋。賊屢攻之不下。時予與王敷庭、朱博山、丁仲泉、沈桐屋諸君俱依張仁圃于松谿。喜包君之能殺賊而危其守孤村而不出也。仁圃欲應之。約諸君先合書勸其出而屬予爲之辭。自記

包君通異術。能役丁甲。其村口地勢絕險隘。賊來輒死之山谷間。積燭髀如邱。以故四方歸之者甚衆。文士亦多依其幕下。眉子此書作于癸亥秋初。予爲覓閒使達之。旋得報書。大略言時未至。不可出。神人擁護。村必無虞。其書甚辯博。或云一傅姓明經之詞也。包終無出意。未幾賊益大至。連營數十里。糧道旣絕。村中泉皆涸。人心遂亂。包欲出不得。爲賊所乘。戰死。賊屠其村。死者近十萬。嗚乎。浩劫難迴。可勝歎哉。包起義于壬戌之冬。至癸亥秋而敗。凡十閱月。殺賊亦十餘萬人。眉子又有哀包村新樂府悼

其事存詩集中。丁卯七月重讀是書。因附識數語于後。山陰沈榮

答南社諸子書

桂華秋館。銀燭清尊。瑤情寄雲。蘭思繪月。獲附褰履之列。遂展冰雪之篇。中心藏之。何日忘之。昨得惠書。語長情重。兼以篇什。殷殷垂詢。以投林之窮猿。爲識途之老馬。拂牋雜誦。不敢茹默。竊嘗周數名勝。屈指近代。清容振麗于西江。質園騰藻于東浙。龔生虎嘯于吳越。郭子鸞翔于湖海。百年之中。代興作者。當世闕達。亦豈無人。然而弋浮譽。張梳詞。振翅竄雉之林。爭長夏蟲之族。其人有四。可得而言。挾卷朱門。投謁華屋。夸靡七字。諧律千篇。頻歲懷人。影纓金紱之姓氏。累牘公餞。河梁落日之藻詞。取資結納。無求精思。此一類也。妖態百端。意存駭俗。襞績怪險。則狐穴取材。文飾淺陋。則烏篆盈簡。銑谿虬戶。易貌而逞奇。桂餌翠綸。強澤而無當。此一類也。伏首程格之內。茹氣蠹腐之中。倖獵聲華。自恥譎陋。竊驪爪于芬苑。攫牛耳于騷壇。四聲僅解。乃效玉谿之獮祭。六合未賦。已同劉晝之馳伏。此又一類也。本無實詣。好爲大言。桂林湘水。笑平子爲無奇。篋篋白馬。以陳思爲可奪。塗澤古貌。詆媒作者。山膏善罵。麒麟成援。此又一類也。夫正始之義。匪可淺言。風雅所趨。奚云小道。僕嘗綜其源流。尋其窳窳。竊以爲華嚴之喻。難云妙悟。蜂鶴之禁。亦屬外篇。斲梓染絲。學在始化。宏誦載籍。以充其氣。審別俳僞。以正其趨。氣充斯厚。趨正斯雅。然後調飛沈之韻。極情采之變。用能流響中韶。造端成化。千狀萬態。爐冶在我。是故宵魚秋磬之奏。豐黛盛鬢之容。輓霆驅海之勢。湍寒石瘦之致。或擅專門。自成孤詣。以論大家。終譏單步。矧彼荒鄙。尙復何語。半生

屹屹所見如是。非好高論。故肆譏評。觸敏罄抱。不容隱耳。僕虞父憂多。江淹才盡。諸君子抱冰玉之質。極討論之精。所願衷雅厚。以立詞。協聲情。以振采。毋惑乎俗尚。毋拘乎漢唐。他日積元圃之夜光。樹赤幟而成隊。雄鳳吐嘑。鶚吭自暗。燭龍據輝。螢熠俱熄。甚盛事也。茗煙依依。願言良觀。寒雲禿木。相思渺然。率意奉復。幸垂省覽。

留園詩序

夫楚南淪鐵。不湮金字之輝。龍門枯桐。終傳絲絃之奏。吾邑雲留吳君。紉蘭爲佩。緝瓊成詞。夙播龍鸞之聲。早赴旌鶴之召。杜栖風韻。乃損其遐齡。賈生徂謝。僅逮乎壯歲。其遺詩二卷。長君少雲發。自古錦。登之文梨。亦庶幾樹荃靈于宵途。標芬幟于騷壘矣。戎葵旣經。珍鏤告燬。少雲旋亦謝世。于是次公子子湘。軫青箱之先業。慮流煙之等澌。爰繼伯氏。謀付重刊。屬僕重爲訂定。竝加弁焉。觀其瑤霞鬱胃。銖露濯穎。纂組蘭芷。鑪錘煙雲。覺春氣于靜夜。思發花先。翦秋光于卷中。句比竹秀。水容荷氣。時涉左司之庭。長蘧殘星。或效倚樓之格。亦有筮篋劍子之篇。錦瑟碧城之製。隴西鬼語。敝青霓于翠扁。樊南綺情。囁紅霞于笙夕。輯元圃之玉。詎雜穢。猷鄧林之材。皆成奇木。然而寶臺冰魄。以勤拂而益明。太清縞輝。去微雲而增朗。燦珠字于寸帙。留羽彩之片光。刪其什二。足以傳矣。僕出稍後。未及與君游。然竊聞其風流文采。照映湖山。濯濯春柳。王恭少年。朗朗玉山。叔則爽概。林嬉水宴之會。時啓乎琴觚。紫裘白袷之倫。咸洽其襟抱。仙之人矣。心也慕之。光什具存。一再尋翫。錦心所吐。高歌如見。其人通眉不凡。清霏實異其賦。自君之往。

三紀于茲。冥冥花城。沈沈海屋。龍梭何處。疑化秋空之雲。鶴骨不肥。聊奏梅花之引。

游仙華山記

浦江四面皆山。宮霍環互。翠凹蒼凸。其最勝者。爲寶掌。仙華二山。仙華在邑之西南隅。軒轅少女。修學道處也。故又名少女峰。五峰插霄。蓼若萼若。煙曛雲旦。晶黝萬變。予權學官之明年。壬申春二月。偕邑人陳廣文。洛川。樓山。長師。竹往游焉。宿雨乍晴。初陽在樹。芳艸地溼。筍兜若移。出郭不遙。蒼秀在目。黛壁雲縹。如列屏障。怒湍雪吼。恍聞雷聲。山杏綴靨。古香忽來。谿柳搖碧。沙水自照。危棧一綫。盤若修蛇。鼻卵圓石。時訝砌錦。龍形怪枯。橫來攬衣。三里許得小廟。榜曰古仙華廟。檐宇不深。神鬼畫壁。惟山有祇。此以祀也。越廟而東。徑轉寬。雜樹離立。傾厓四垂。奇柯孕葩。雲過疑蝶。稚松鋪綠。風來成潮。仰望虹棟。龍甍。亭亭。巖巖。翼霞冠斗。則少女殿也。近殿之西。爲須毛二公祠。須公。明季邑令。創禪宇於此。曰竹林寺。而以前殿祀少女。曰昭靈宮。國朝康熙閒。邑令毛公。復增拓之。重寮沓閣。遂成巨觀。兵火後。惟少女殿及羅漢堂尙存。傾圮亦半矣。少女服冠帔。乘青圭。黼袍花釵。類后妃之狀。金鈴黃幡。繡夫人之字。是日。邑人以香楮至者極衆。云少女甚著靈異也。寺僧設茗。坐憩片時。殿東居人數十家。曹翁者。與洛川善。來相謂曰。是山之奇。在三巖。自此而上。三四百武。爲第一巖。雙厓夾立。削若無路。一穴洞啓。是謂天門。過天門。爲二巖。桀壁數仞。有罅相錯。昔繩鐵綆。今惟古藤。攀援而上。則第三巖。所謂仙華第一峰也。遂相引出殿東。徑極巔。巔。輿不復能行。從人掖以登。雙屨欲穿一層。始達。莎髯純紫。石骨益青。烈風虎吼。勢將吞人。孤雲鶴盤。意若

媚客。悸神乍定。遐眎斯展。羣山東奔。波濤起伏。修谿四曠。練素縈折。平林薈列。遙落葦布。山城春圓。縮寸
櫟于花際。崇圖碧峭。立尺幢于鳥下。振袂長歎。疑非人間。曹翁請窮其勝。翹視怪嶸。嵌空色狀。積鐵靈氣
時露。當爲神棲之境。履迹所到。疑惟肉飛之仙。同人皆色。駭舌橋謝。不敢而童輩乃賈勇以登。呼之亦不
能止。見其蛇行入天門。迴嶂合。蓬人景倏隱。裂石漏響。語笑忽墮。久之乃見立第一峰最高頂。其出入之
狀。誠酈道元所謂。鳧沒霞舉矣。待其下。亟詢之。則云。入天門有古洞。廣才二尺。窅然而深。投以石。聲隆隆。
逾刻不絕。上又有石屋。題爲少女修真處。煙骨琢玉。雪乳滴珠。老蝠睛紅。古蠹冠赤。陰森峯頂。不敢久憩。
猿緣鳥升。心飛魄越。遂陟重峭。躋乎極顛。天颺吹面。奇寒砭骨。時有雨片。飄落衣袂。予與同在第一巖。
固不覺有雨。然視其衣。猶斑斑然。知不誣矣。時已及申。曹翁邀飲于其家。土屋向陽。衫扉臨澗。木牀竹几。
淨無纖埃。呼兒劇筍。因攜白木之鑊。移尊就花。乃啓黃雞之局。酒裏旣暢。異品斯登。翠轆海苔。厚俸蒼耳。
主人曰。此名石衣。產三巖。采之極難。味清而腴。香冷而郁。洵乎露華雲氣之所長養。非凡品也。斜陽欲沈。
山雨將至。主客罷酌。輿人促行。乃攜嘯侶。循歸徑。下坡勢疾。翩若騖鸞。行未半時。山隔數里。蒼蒼原野。牛
笛未歇。暝暝村樹。春燈已明。風迴寺鐘。雷動城鼓。寓廬不遠。蒼頭來迎。入門笑言。兒輩詫慕。中夜聽檐溜
浪浪。幸尋勝之及時。想靈境之在目。因泚筆記之。將歸以夸同人也。

王叔彝觀察詒安堂詩三集序

上海王叔彝觀察。既刻其詒安堂詩初二集矣。雲瓊千楮。神丹九還。積元圃之夜光。樹芬林之特幟。丙寅

之春。又集其十年之作爲三集。來徵弁言。羽聲忽起。蒼涼燕趙之歌。墨雨一揮。紫彩魚龍之色。有感而發。每變益工。愈唱愈高。去天三尺。蓋君以颯爽之英姿。值倥傯之戎馬。秋風戰伐。中宵野哭之聲。黑月關山。萬里羽書之警。江國之重圍屢合。故園之喬木都非。得毋盼金狼之燄。夢繞矛頭。聆櫪馬之嘶。感生髀肉者乎。無何。霜袍叱馭。墨騎提軍。劍十萬以橫磨。戰一日而屢合。雲中鐘鼓。令嚴細柳之營。帳下琵琶。春滿蒲桃之酒。宵夜艸磨盾之檄。秋城吹呼月之笳。莫不風雲壯裏。蛇鳥變色。及乎盜塚始剗。漕轉宜時。趙肅本洛陽主人。礪石領海中。尊督銀濤萬疊。神魚拜樓艦之旂。金霞五更。天雞叫扶桑之日。是又奇雲怪霧。盪其心胷。北鯨東龍。恢此眼界者也。于是酒酣斫地。浩歌寄懷。撼風雨于齒牙。馳雷霆于腕底。擬漢家之朱鷺。怒角爭鳴。叱大壑之潛驪。神珠入手。龍虎百鍊。鬱成宵練之光。咳唾九天。發此靈夔之吼。且夫隨境造端者。詩人之善變也。情動言形者。天真之莫掩也。今者兼領茶綱。言居蓬島。荒蘆城郭。官柳重栽。小隊郊垌。鬻桑徧問。遂啓琴觚之會。時聯褰屐之歡。梅花東閣。非無水部之詩。艸木殘黎。大有道州之詠。藹然仁者。穆如清風。亦風人之旨矣。詒壽掩關西枝之廬。拾其南山之豆。野亭花好。喜車騎之能來。官舫燈紅。渺雲山其欲阻。時君奉檄攝睦州守將之官載披瓊什。有感瑤情。語愧雕龍。引慚前馬。明月千里。結思在金沙翠嶂之間。白雪一編。置君當玉局南湖而上。

蘭谿留別陳芷濱學博序

歲在荒落。序入素秋。言自浦汭。于役婺州。旋理虎林之帆。暫倚穀渚之棹。芷質學博。煮松淥之藏酒。掃樓

塵之吟榻。殷然留止。信宿笑言。幽館宵寂。共此燭光。疏櫺月來。顧見花影。蘭語既洽。苔契彌深。剖襟意長。疊鼓更促。桑雞忽唱。城烏亂嘯。晨光熹微。榜人斂戶。駕言欲邁。握手款歔。逢舊雨以何時。悵西風之催別。嶺雲千疊。江天一涯。誰能遣此。良足感矣。昔者長山之麓。冷署之中。僕與子一鐸共秉。五步隔居。蛩蛩趨公。連翩署牘。登元暢之高樓。則蹋臂雲際。訪初平之古洞。則聯屐煙外。衣幘互易。不問主人。鯽雁偶登。亦呼共食。其或風雨相對。宵漏正長。澆劍酒紅。說鬼鐙綠。發論小選。齟齬益見其真。掬裏畢宣。肝腑亦可共倒。當此之時。別無半時。語輒通昔。西窗話雨。笑樊南之空懷。東野爲龍。譏昌黎之虛願。旣而秋風解組。南山歸臥。莫雲憶女。夕月愁余。乃積緒在抱。未盈扶寸。奉檄而喜。又共一州。仁山講學之鄉。待制吟詩之地。一日可至。百里匪遙。筠筒緘詩。走長髯而卽達。篋輿乘興。呼健足而成行。又以應官。輒共趨郡。清谿楓樹。聯吟吹笛之船。侯館梅花。抵足垂鐙之夕。雖勞行役。藉補墜歡。觀止之懷。良用告憫。今者金臈戒寒。瓜期又屆。感青蘊之無定。去太匆匆。恨黃帽之催人。行何艸艸。數日作惡。共值謝公之年。千里相思。莫必嵇生之駕。茫然此別。渺矣余懷。吾子笙簧典籍。擣嶠道真。早騁雲衢。樂就冰職。鶴田所入。足給饔飧。雁幣有登。用娛賓客。姬人不俗。稚子能文。庭栽好花。架羅良籍。人生得此。良亦憫情。獨念僕自遭寇亂。世業俱空。居無下溷之可徵。出僅微官之暫試。餓麟不噉。窮猿安投。襤被江關。正不知稅駕何所耳。僕行矣。晨催星飯。夕擁霜衾。言尋寓廬。明湖之潯。望子不見。山高水深。毋金玉爾音。而有遐心。歲寒之誼。分葦合襟。敬勸光彩。共葆璧琛。

秋感賦

秋風蕭騷。秋氣沈淒。衰艸滿地。涼雲卷霄。螢催杼以號冷。雁迎霜而警宵。撫瑟瑟之金序。驚駉駉之赤鑣。莫不觸秋心之縹緲。感秋士于寂寥。于是僕本羈人。悄焉不樂。升亭臬而四顧。見木葉之亂落。渺江波之淼淼。嗟吾身之安託。颯素絲之垂頸。感朱顏其非昨。溯盛歲之跌蕩。翩奇服而翱翔。風鳴走馬之埒。花簇鬪雞之場。鉤藏狎客之坐。箏彈秋拍之堂。飛觥揚衷。嵬峩低昂。任四序之遷易。恣吾樂其未央。羌負氣以自豪。夙兀臬之性擅。騰黃馬之劇談。嗤繡虎之名彥。輕金影若埃塵。叱等儕猶斯賤。致三公于元鬢。驅八鷗于華甸。若吾身所固有。誠取攜之甚便。無何。青春已去。素志漸非。白壁蒙屢別之恥。金門無可斲之機。麟不噬而毛誰落。烏三匝而枝何依。長落落其寡合。畏世路之險巇。況乃狐鳴鴟叫。霧合雲傾。丁東南之變亂。紛豺虎之縱橫。窮海呼天之哭。荒山赤足之行。魂乍返而復逝。身九死而一生。愧艸閒之偷活。屢鶴駭而風驚。泊龍驤之揚武。始螻腥之漸埽。尋故廬于北郭。覲榛莽之塞道。日慘慘兮鬼氣寒。煙寂寂兮人迹少。勉絢葦以結茅。亦綴荻以成襖。何落穗之可拾。惟白骨與秋艸。吁嗟乎。流離頻歲。荏苒中年。修羅之綺夢初醒。翳桑之僵餓誰憐。託生涯于寸管。贖故物之一種。既不能索長安之米。又不能復下溲之田。獨抑鬱而誰語。徒悲歌而問天。昔之馬劍豪徒。楮硯良侶。莫不奮青雲。振逸羽。佩玉珂。登瑤序。噓溫氣而成雲。澤赤毗而爲雨。余獨何爲。命舛心違。捫此足而有鬼。非太阿其孰知。馬縮縮而如狗。鳳啾啾兮在羈。將上敏乎帝宮。虎守關而嶷嶷。將通詞于真宰。又魍魅之見欺。心搖搖其若縣。身偃偃以何之。感復感兮歎。

情稀秋復秋。兮老將至。倏百年之易邁。孰千禩而無死。羌煩憂之鑠人。豈金石之足恃。彼毛角之自得。任山嬉而林止。何人生之不如。良有愧此頂趾。亂曰。艸木黃落兮天地秋。雲冥冥兮生暮愁。愁之來兮不可輟。吾將逝兮山之幽。采碧荅兮餌蒼朮。拍洪厓兮挹浮邱。朝吾策兮青鹿。夕吾駕兮斑蚪。狎神洲之龍鴈。唾塵海之蜉蝣。杳不知秋來與秋去兮。樂千萬歲而優游。

王觀察誄

惟同治六年十月二十有三日。浙江補用道署嚴州府知府王公。猝于嚴州府署。春秋五十有四。得訃驚悼。爲位而哭。嗚乎哀哉。公名慶勳。字叔彝。又字菽畦。上海人也。長公作宦。愛住西湖。元相題詩。曾居蓬島。結知交于文字。等簪紱于煙雲。壽以淺才。尤承嘉契。讀孔顛之製。折簡彌殷。憫方干之貧。歲遺不絕。苦情既洽。竹心益虛。每有製作。輒就商榷。壽感其誠意。時貢芻言。其所著詒安堂詩三集十卷。柳步詞二卷。越州唱和集二卷。皆壽所刪定。竝爲序言。相得之歡。有殊恆等。今年春。壽有長山之役。公亦攝守睦州。悵雲龍之莫逐。江水渺其相思。喜鱗羽之可通。餐飯勉以努力。十日之飲。約以平原。一葦之杭。招之舟子。壽始以官守之羈。繼趁歸帆之利。江城再過。一刺未通。方用歉然。而公之凶問至矣。嗚乎哀哉。梅花官閣。綺席方開。夜月瑤天。玉棺遽下。西風蕭瑟。客散孟嘗之門。往事淒涼。悲甚黃壇之酒。長淮水涸。玉樹寒埋。一曲廣陵。永絕嵇康之散。千年城郭。難期丁令之歸。凡在同人。莫不哀涕。猥爲知己。詎得無言。爰識素旒。以抒悲感。詞曰。

嗚乎王公德門世澤。胄係瑯琊。采振頻壁。麟冢杜捫。鹿角匡折。分才論斗。讀書計尺。壯而奮迹。龍翔鳳搏。妖鳥晝嘯。丁于時艱。樓船江表。鐵騎中原。公練勅旅。烏張蛇盤。十蕩十決。雄劍嘯呼。再戰再捷。揚矛飛弧。法兼程李。膽落孫盧。防江截渚。心雄萬夫。新息雅歌。叔子緩帶。時間鬪聲。不絕吟籟。黃鸞一曲。蒼蠶三搨。磨墨盾鼻。起艸牘背。猗與王公。邦國之彥。鷹武旣揚。鴻伐斯建。粟漕紫瀾。道捷赤甸。鶴臚春飛。鯨波夜晏。天子明聖。爰酬其勤。虎符乃剖。豸服更新。惟浙東西。公牧其民。惠風儲抱。澄冰律身。迢迢古郡。巖巖睦州。公來作守。神父騰謳。鄭轂挾鹿。景廳放鳴。以彼仿此。今昔云侔。歲惟甲子。言埽蠹賊。諸軍待餉。不籌胡集。晏主茶綱。寬論鹽鐵。公之駐越。實惟是職。越遭戎燹。風雅蕩然。公來振之。招邀羣賢。蠟槩刻玉。麝笏騰煙。巖壑生色。雲鳥增鮮。風施四載。星明一路。民沐其德。士欽其度。雲麾忽邁。露冕不駐。聿憶黍膏。羣謹棠護。桐水碧澄。橘嶺翠曼。拔薤惟一。儲竹近萬。時嚴州有奸民結教匪爲亂大府以公先曾守嚴爲民所悅服魁餘悉原之不妄戮一人黃相再來。彼州之翰。寇公重借。我民之願。何期厄運。龍蛇歲徂。一星慘淡。萬姓悲吁。予尤感慟。吾道之孤。傷心冷瀨。憶別春艫。當公之行。予亦奉檄。睦之與婺。一水所歷。公起謂予。期子良覲。微雪梅花。江城吹笛。予謂此行。江山頗奇。詠樓懷古。洞天題詩。當爲公歌。松淥傾卮。豈意一別。遂無見期。茫茫天壤。知音何處。素帷雪暝。丹旆煙曙。風馳素車。酒漬寒絮。欲往從之。靈筵告語。嗚乎王公道阻且長。山深月黑。潦縮風屏。神飛遠樹。淚灑清霜。臨風嗚咽。徙倚旁皇。

感逝吟序

嗚乎。茫茫大地。難逢青眼之人。落落晨星。易散素心之侶。感浮生于埃露。轉瞬百年。逸舊游于山河。傷心
往日。南樓老子。胡牀邀夜月之歡。東閣新詩。水部結梅花之詠。識李邕于金水。江畔停車。從子雲於元亭。
花邊載酒。僑札定分。則傾心于一言。嵇呂相思。則命駕乎千里。酒徒擊筑。非無燕市之歌。仙侶題襟。亦有
漢南之會。追惟儔好。無閒生平。送君南浦。屢銷芬艸之魂。臥病空山。愁老桂花之樹。霜颺勃而林羽。渙夕
暉馳而薜英摧。盼綵雲于天上。徒聞躡影之談。埋玉樹于土中。曾無返魂之術。青松示心之誼。尙憶誓言。
金蘭告祖之編。半成鬼錄。嗚乎。韋元量之制服。曾爲良朋。范巨卿之驅車。偏慚死友。難忘哀感。艸長北邙
之山。還念生存。淚甚西州之慟。夢魂來于遠道。落月青楓。和鬼唱于秋墳。淒風夜笛。龍合延平之不再。鶴
歸華表。以何年。憶一人知己之語。有感青蠅。效三閭大夫之辭。尙來玉駟。

縵雅堂駢體文卷二

游鳳鳴山記

晨風在柳。秋雲卷空。小雨旣晴。遙爽欲撲。烏程王子。蕭然陸生。乃呼筇輿。挈茗具。邀余游鳳鳴之山。山不見諸圖經。在上虞東南。相傳西漢時。有女仙乘青鸞下降。至今山無雜禽。惟鸞則數千年來。尙棲山中山之得名以此。出郭七里。緣谿數折。激流鏡松。蒼鬣煙櫺。幽腴布蕻。素英雪鋪。山家數十。高下雜處。黃泥牆矮。古蘿半縈。圓礫徑迴。晚桂猶馥。秋英四綴。絳者黃者。藍且紫者。柔附纖蕾。率不知其名。徑漸窄。山亦漸深。風泉蕩舂。林木吼應。然竟不聞有鳥聲。穿林越澗。磐石如鏡。忽聞戛然。轆筆駕管。輿人噪曰。鸞來。驚視之。則立石上。引吭而鳴。遂掠予輿過。色青若染。尾長倍身。大裁如雞。宛頸而纖喙。余聞鸞爲百鳥長。高至四五尺。五采成章。此或非是。然厥音清和。又山無他鳥。其爲靈羽。固無疑也。過此漸不能輿。舍而步。雲片花媚。停衣不飛。柯葉雨墜。隨屣而積。旋螺屢轉。陟樹百尺。爲靈慧夫人廟。卽乘鸞女仙也。穹殿冠日。邃廡宿雲。黝鼎芝承。古碣苔蝕。旁有夢神祠。廟僧云。長至近時。祈兆者踵相接也。未至廟三十武許。有洞曰雲虛。谿衍竊窳。煙闊翠豁。果落戶際。惟供猿餐。風鳴宵中。疑有龍守。禪籬緼火。燭之以入。石牀瑩然。纖埃不積。蝙蝠千百。見火而驚。磔磔鼓翅。掠幘拂面。稍深則森寒。偈人。火色漸碧。心悸遂出。不敢窮其勝也。殿後雙厓築起。千仞駢峙。飛瀑自其顛。傾奔而下。縣溜直注。瀉珠百斛。橫确忽阻。激雪十丈。其聲砰鏗。洶怒對

語不復能聞。山之頂極平廣。墾田十畝許。廟僧自耕自食。無租稅。流泉溉之。無旱潦。其泉甚甘。僧爇松枝。潑舜供客。踞石小憩。若御碧雲。撥煙下視。恍隔塵界。鸞又飛鳴來。立殿檻上。引喙理翅。了不畏人。注目弄音。意類問訊。夕陽催人。折竹代杖。遂理歸步。促輿下山。鸞復迴翔谷口。若相送然。余聞之。虞人云。鸞有靈性。隱見無定。亦莫知其止處。游者或再三往。始一見。亦有老于虞。數數往而終不得一見者。余以萍迹。偶事幽尋。惟茲仙翮。狎如鷗鷺。豈再世瞿曇。似曾相識邪。將仙山青鳥。別有前因也。嘻。亦異矣。時在己巳九月十又二日。余客上虞邑署。

重修浦江仙華山竹林寺昭靈宮碑

若夫挹華嶺之玉漿。明星祀古。聆虞山之青羽。虛洞雲寒。天樂秋鳴。金謁駐蒼梧之殿。叢鈴夜語。靈旂飄白石之祠。女君仙子。水畔停鸞。玉蘭女郎。江頭留鶴。亦有周王貴主。棲霞衍緱嶺之風。唐室王姬。金觀著青城之記。莫不留霞居于勝地。標雲構于人閒。況乎隆古上真。聖王妙裔。班參翠水。錄受紫清。如元修夫人者乎。夫人。黃帝軒轅氏之少女也。擢穎瓊枝。棲心琳簡。方帝之在位也。神靈御宇。祕要參真。蘭葉朱文。圖迎五色。青邱紫府。道訪三皇。煉上藥于黃山。玄袞挹浮邱之袖。受丹經于玉笈。青龍駐王屋之車。具茨登而鬼神朝。靈臺建而天人合。靈蘭著論。早探性命之微。神芝餌精。遂證長生之果。是則娥宮視膳。雲汲先嘗。兌野承芬。神符早佩。金母降真之日。分寶鏡之餘輝。素娥駐節之年。聆瑤絲之浩奏。不必追飛蹤于風雨。侶結赤松。固已悟真訣于崆峒。名書青札矣。及乎寶鼎告成。鬚龍下迓。黃雲已逝。翠輦不迴。遂脫網

乎濁途。用潛蹤于幽嶂。仙華山者。東浙名岵。西崑別岫。林翔白鳳。仍同阿閣之禽。洞闕紅芝。卽作太真之館。青泥煮石。黃月凝麩。結三花之祕光。拜九宸之帝命。霓旌一去。丹岑萬年。蘊異氣于煙霞。企清芬于冰雪。昔者勝國賢侯。公須熙朝良令。公毛景蹤靈軌。結慕沖風。始拓寶地于松關。繼糸綠臺于蓮嶼。如來金粟。合仙佛爲一家。玉女神林。燦麟鸞而五色。旣號竹林之寺。亦題昭靈之宮。洞臺拜元君之眞。社笛奏龍姑之曲。蓋二百餘年于茲矣。塵海逢災。風輪轉劫。金狼夜吼。銅馬晨來。戎燹旣經。圯傾安免。陰森敗壁。時來拜月之狐。蕭瑟秋林。莫返駕鸞之鶴。喧肅屢易。興茸久稽。有心者慙焉。則有譙國名流。潁川魁彥。周呼將伯。首發宏施。垂纓右族。爭輸穴內之金。積粟鼎門。俱指困中之玉。乃至蓬頭野豎。亦效丹剛桂斧之勞。珠極閨英。竝來末利香纓之獻。遂使朱檐冠斗。繡戶生雲。上界官府。重開光碧之堂。古佛道場。無改紺林之舊。以彼叢祠著柳。芳觀呼梅。楚江廟內。桃花亦號夫人。鍾陵山中。甲帳猶居仙子。幻生綺夢。荒等巫雲。雖錦締之增華。方靈徽而滋愧。況乎金銀舊闕。桑海新經。獅車所臨。慧祐彌仰。椒漿合霧。桂奠趨風。寶幢鸞繡。香闈帝女之花。祝鼓夔鳴。音答梵天之唄。肅百靈而永衛。合萬戶以同瞻。詒壽往以冷曹。曾趨山殿。今聞盛事。倍慕宏風。遙想層城。開丹苑白環之境。慙無鑲骨。誦流珠玉佩之經。磨片石于重巖。酬衆言于往諾。傳夢中之綵筆。敢承青版以摛詞。聽天際之瑤笙。願拜綠金而受簡。銘曰。

冥冥元囊。寂寂靈囊。疇悟道妙。粵若古皇。鼎湖一去。攀龍勿及。遺此王姬。皜皜玉質。仙華之峯。白雲高寒。服食煉氣。合我神丹。神丹旣成。羽軒上征。留徽瓊谷。飛眞玉清。龍嵒穹宇。颯沓靈衛。獻荔陳蕉。二百餘載。

游光夜嘯。妖火來燔。豈不呵護。曰有數存。畫龍四壁。雕螭萬礎。惜此霞都。半委煙莽。爰選材木。爰召工師。虹廊鳳閣。金碧重施。寶掌豎右。藥壺峙左。林迴鐘迴。花深幢鏤。鴛藍金斂。獅座香籠。是惟法界。卽在閩風。肅瞻仙居。敬念隆緒。亭茗縹緲。瑤宮之則。在山之顛。在谿之潛。千秋勿蝕。一片貞珉。

暨陽道中與沈曉湖學博書

曉湖足下。山城歲暮。小駐行裝。因索斛斯之錢。遂下陳蕃之榻。言尋冷署。晤我良朋。追元度之迹。十日何曾九詣。樂公瑾之風。醇醪不覺自醉。加以舊雨今雨。不約俱來。長吟短吟。有唱斯和。萍蓬良會。不圖至斯。夫以僕之流連。主人之情重。豬肝匪累乎安邑。鴻爪重循夫舊印。留度殘歲。豈不甚願。徒以老母倚閭。內顧多累。遂以一昨。結被言歸。亭午出浦江東門。過七里亭。重陰彌空。若噴水墨。山氣沍野。微辨林徑。截面風硬。還步石稜。輿行若舟。艱于上水。至白麟谿。天已垂黑。雨亦驟至。遂投旅舍。卸裝危樓。壁閃枯蚌之鏡。牀堆飢牛之草。酒薄難醉。衾寒不眠。迴念昨日之夕。洛川掃谿堂。止吟侶。煮香雪。開清尊。檣樵爐紅。梅花窗小。話洽覺春氣生坐。酒酣喝明月倒行。椽燭見跋。繼以呼鐙。雄雞三號。尙惜放塵。今昔之異。聚散之蹤。令人感喟。次日昧爽。冒雨復行。四山裹雲。合若無縫。亂流爭湖。喧而成雷。溼煙撲眉。淒寒砭骨。躑躅岑曠。艱苦逾等。忽得村落。恍略宮府。揖田媪而乞漿。覓土鏗以燎袂。午度布穀嶺。徑峭苔滑。傾跌者再。又十餘里。至牌頭。則入諸暨界矣。風橫雨猛。益不可行。僕夫告瘁。強復投止。僕嘗三宿于此。逆旅主人識之。迎待甚殷。燒花豬之肉。煨綠螳之尊。殷勤勸酬。爲之醺然。夜聽檐聲如潮。凜颼撼屋。駒聲四起。若答若和。念我

故人孤燭無寐。諸君阻雨。當不復集。亮襄行旅。同此悵結。篝燈泚筆。略述兩日所歷。藉輿夫返報。伏乞省覽。不宣。

仲泉遺詩序

仲泉遺詩一卷。余友丁君吉庵所作也。君影纓貴胄。青箱舊業。少篤志科第。能爲章羅金陳之文。旣屢抑于有司。乃去而肆力于詩。達夫始作。見者卽歎其工。汝士美才。名輩皆爲所壓。命儔歎侶。刻蠟破銅。雅詞雲委。雕章電發。意氣跌宕。千人蔽映。粵寇之難。余與君同避地于松谿。三徑可通。一井共汲。蒼茫相對。慷慨悲歌。縱金揚旆。劉孝標出塞之吟。馬汗劍文。李君虞從軍之詠。遼東小婦。託響于琵琶。隴上壯士。傷情乎流水。亦有鶯花憶昔之篇。關山懷遠之什。春風一去。喬木成煙。故人不歸。帶甲滿地。落葉助其哀思。孤鴻答其酸嘶。時而落日悵望。秋風登臺。白骨蔽野。黃雲千里。漢將之旌旂不至。樓船之笳鼓闐然。念身世之浮漚。痛風塵其未已。我歌子和。泣下沾襟。洎乎元戎軫武。妖星夜墮。浙東郡邑。以次平定。余編北郭之茅。君僦西枝之舍。雖三里之水。一葦可航。然謀生方亟。吟事轉稀矣。又踰年。泰興吳公來校士。將舉拔萃之科。以君高才。逢此哲匠。茂才異等。國士無雙。一爨之選。非君誰屬。卽君亦自信萬言之試。足埽千人之軍。乃竟不及。與以疾遽歿。悲夫。江東昭諫。終爲白衣之人。隴西王孫。已盡錦囊之血。彌留叔寶。尙爾神清。後至巨卿。終慚死友。遺藁散佚。今所錄者。僅松谿唱和諸作。風雨如晦。虛堂秋寒。展卷讀之。如見其引杯斫劍。抵掌激昂時也。隻雞未奠。痛迴三步之車。片羽幸存。卽訂千秋之業。

曼志堂餘集序

己巳之秋。孫彥清孝廉。既與其同門生胡何二君。爲其師會稽曹文孺大令。刻曼志堂遺詩四卷。僕也青
眼逢君。早結苔岑之契。瑤編校字。彌軫人琴之悲。因又搜尋其所作律賦詩餘各十數篇。都爲一卷。用作
餘編。夫其間經緯以爲體。合纂組以成文。感物造端。韻流采動。玉臺作序。孝穆本天上之麟。赤鸚鏤詞。袁
淑乃江東之秀。若乃笛裏尋聲。花間按譜。雖無多妙製。非其專長。然而玉箏勸酒。天涯芳花之吟。烏帽看
山。日暮碧雲之思。丁卯春余以行省檄樞金華校官。君既以詩贈行。又爲譜金
縷曲詞。歌以佐酬。玉箏烏帽芳草碧雲皆其詞中語也。金縷一曲。銀燭三更。能
黯然是可念也。猶憶其時。江館夜寒。行子將發。君起而言。酒行且止。充隱甚願。樂飢難常。雲龍上下。此志
終違。勞燕東西。相逢不易。共明月兮千里。援琴寫其素心。指青山之片雲。卜鄰期之他日。及僕在婺州。半
歲之中。尺書再至。託響陂塘之柳。結念河陽之花。君寄陂塘柳詞有句云。河陽
一縣花千樹也。許儼生學種。知君馳驅之志。自此決矣。
既而秋試報罷。遂果北行。君先以優行貢成均。教習八旂。期滿改縣令。至是謁選。發四川待次。夫以君貞
亮淑資。明通茂學。假使漸鴻之羽。排風早翔。敷蕤紫微。佩玉青瑣。陪清塵于豹尾。簪丹管于螭頭。明廬視
草。寧非漢殿之才。玉笈陳經。卽是石渠之彥。又使王尊叱馭。竟度羊腸。葉令乘雲。不停鳧舄。展其文雅。澤
之措施。羅衡作萬年之宰。棠界風清。閭憲爲益部之官。桃街夜肅。其所表見。又豈僅在區區者。天阨其遇。
又斬以年。結裝將行。嬰疾遽歿。嗚呼。埋愁地下。治鬼泰山。王子淵之諡。固空洞簫。馬長卿之書。誰求遺草。
徒使扶風弟子。緝贖錦于雲機。山陽故人。拾零瓊于瓊圃。良可悲矣。君又工爲制舉之文。其藁不自惜。多

爲人擢去。它日覓得。將更訂外編也。

退宜堂詩序

吾友會稽孫君子九。東南艾碩。閎達雅才。扶桑麟篆。捫以九夜。陳芳牛耳。執之卅年。嘗與論筆區之窳窳。討吟苑之指歸。以爲盛鬚豐黛。詞縛者旨不深。巉石渴流。意苦者格不茂。憑眺利決。風發電掣。氣非不銳也。而安雅之音舛矣。頽蜺紺霧。龍鬼虎神。語非不奇也。而性情之正失矣。別僞親雅。所得者深。故其爲詩也。儲體于潔。吐詞必真。緩帶叔子之風。楊裘太原之度。少慕正始。壯而彌篤。奇玉專璣。溢櫝盈筥。旣丁兵火。流離海山。奇胃所出。還作煙雲之飛。祕笈不緘。乃爲鬼物所攝。記憶追錄。得其二三。瑤樹千尺。留單柯而亦珍。雕雲五色。得膚寸而彌麗。寇氛旣靖。吾舌尙存。獨立蒼茫。長歌慷慨。復踰仙嶠。溯劍津。飢驅瘴厲之天。老作諸侯之客。登樓望遠。彈缺思家。亦復流連光景。徘徊雲壑。天涯結侶。客路逢春。琴觚賞幽。明月幔亭之酒。藤蘿訪古。落日尉陀之城。竝抒鬱攸之裏。俱流颺靄之韻。牋雲穎露。所積益富。霜雪在鬢。媛鶴相招。南山歸臥。泌水可樂。乃訂其前後所作。都爲一編。靈芬溢抱。清光照人。把卷一吟。口香三日。君雅懷冲穆。蕭乎物外。麝丸棗尾。白首隨身。雲門若耶。青鞵方始。詒壽與君。文字之契。松寒彌貞。方將厲牛鐸之奏。以應黃鍾。騰蛤珠之熠。藉引縞魄。則後之所得。固當未艾。今此之訂。亦曰甲編而已。

與秦勉鉏書

勉鉏足下。人日梅花。綺筵銀燭。劇飲疏香之室。抵足留鶴之盃。踞談載霏。瑤情斯暢。元夕高軒見過。適赴

它招四更始歸。殘檠暎壁。留札陳几。蘭詞環諷。巾車斯悔。竝讀子珍擬天台山賦。雲霞奇想。鸞鶴逸響。環色在牋。寶氣騰室。目眩心駭。敢避三舍。渡江以來。春氣日暄。校經之廡。乃在蕭寺。同人六七。黃墨多暇。午磬和吟。晚鼓節詠。餅花甌茗。禪味可參。下榻之室。小如吳舫。莎砌碧敦。松戶翠駭。蕉陰數尺。瘦石一拳。歷落點綴。略無塵況。又其地距皋園不一里。風日熙美。翔步林亭。木蘭臨水。半樹猶雪。桃枝出竹。數萼已絳。登樹杪之崇榭。覽雲鳥之變態。奚奴挈榼。園丁供茶。致足樂也。惜不與足下共之耳。詩文之事。閒以自娛。冠蓋之林。視若畏阪。到會城月餘。僅一謁石泉中丞。淡如都轉。其它都無所詣。張彥真有言。苟不相知。從物何益。竊嘗深有味乎其旨矣。盛春方屆。園花競芳。結畫鍾詩。亮多佳興。便郵略佈。馳思爲勞。

皋社聯吟集序

聯吟集一卷。王子偕皋社同人聯句之作也。夫鸕鷀互鳴。上下于春日。蛤蟀答響。抑揚乎素秋。物既有類。人亦宜然。往者江東名輩。濟陽逸才。金粟後身。柴桑妙裔。當塗繡虎之彥。扶風白眉之良。結仙侶以同舟。歸蘿徑而延賞。微雲詞客。卽爲池臺主人。北郭先生。亦預琴尊雅集。于時碧草倩晚。鮮葩媚晨。松雲十圍。霽雨一尺。明蟾送影。疏花隔簾。睡鶴忽驚。秋葉點瑟。旣佳光景。或事乎劇棊。言羅茶瓜。亦暢其清話。雕詞閒發。逸情斯飛。銅斗一聲。琪花亂落。柏梁之體。敷藻于長吟。石鼎之詠。鉢思于奇句。矜一字之對。則撚髭可斷。得一言之工。則擊節相賞。時而乘興驅豪。墨無停綴。風雨沓至。如塵昆陽之軍。後先勿讓。若爭黃池之長。哈笑竝作。仙鬼互夸。擲地有聲。拍案叫絕。羊胛可換。何噴乎短奚。雁頭爭鈔。輒播之好事。當是時也。

松陵之唱和。竹谿之宴游。以今方古。詎多讓焉。嗟乎。易遷者皆緯。倏逝而莫追。至樂者友朋。難萃而易渙。流電一瞥。浮雲百變。曾幾何時。而今昔頓殊。出處各異。或浮沈於郎官之署。或勃率于孝廉之船。或橐管而飢驅。或掩關而養疾。芳草千里。望王孫其未歸。綵雲不停。傷佳人之已暮。甚或卽幽路。違昭途。展其塵榻。廬陵有遺編之悲。過其舊廬。山陽起鄰笛之感。勝游易歇。良覲難常。今雨不來。晨星可數。欲求如向之披藻襟。鼓吟吻。針簪散帶。迷嘯互歌。何可得哉。何可得哉。涼風吹簾。秋陰滿屋。念我故人。輾轉曷已。因搜昔曩日聯吟諸篇。排比成卷。藏之篋衍。冀它日者。桑榆之日可娛。萍蓬之蹤復合。雖黃墟再過。痛嵇生之先亡。而夜雨一尊。喜巴山之重話。或將有鬪穎塵煙之舉。抽黃對白之篇。作此後勅。唱而愈高。雲璈一彈。瑤響協絲簧之奏。蠻牋五色。玉籤題甲乙之編。

上徐少宗伯書

竊聞綠綺在御。不易遇者。賞音黃土。搏人不可移者。天賦詒壽。以屏材末學。辱蒙明公。加之以拂拭。重之以禮貌。賞其兔園之冊。褒之鳳鳴之音。使瘿瘡之節。珍儷翹材。砥硃之器。價竝瓊璧。昔者趙壹窮鳥。袁逢抑三公之尊。孔顛粗才。元暉盛折簡之譽。以今方古。異時共情。斯誠虞仲翔所謂天下得一人知己。可以不恨者矣。猶復列之剡章。舉之天府。謂足以陪弭管之末席。奉屬車之清塵。此在詒壽。雖有慚推美之言。而在明公。實無忤事君之義。何圖浮雲見蔽。少微之星。徒黃嚴譴。偏加侍郎之衣。幾白伏念。聖朝中興。麟鳳波委。闕門之下。和其聲以鳴國家之盛者。比隆于漢京。如詒壽之凡陋。誠何足言。惟以不祥姓氏。上累

知己。是用神靈氣結。中夜傍徨。然聖明在上。垂鑒不遠。而海宇之內。懷才孤露之士。讀其奏草。當必有扼腕感激。慷慨涕泗。仰人倫之表。慕宏獎之風。思欲一接顏色。而恨不能得者。然則詒壽雖終無以致身青雲。其得在陶育之中。固生平之厚幸也。詒壽少逢多難。長丁亂離。耕無下溪之田。居賃西枝之舍。龍泉知我。每感彥深之言。牛衣不眠。見呵仲卿之婦。紅勒十度。黃齋半生。往往天池欲近。勁翅忽垂。神山可登。天風橫引。斯則定命之窮。不關乎人事。此生自斷。無待于問天。明公雖有北海薦禰之誠。茂先推范之意。其如詒壽之命何哉。行旌邁發。神與俱馳。川平陸夷。計已達都下。長安天遠。展謁何時。略貢下忱。無任依戀。

外祖沈香巖先生遺詩合鈔序

外大父沈香巖先生。名德耆艾。通辯達才。擅筆札之美。長法家之言。歷燕趙閩皖。爲大吏重客者三十餘年。亭疑鈞律。飛章騰書。清通簡要。馨溢簪市。博學多聞。工于詩歌。接武南湖。追鑣玉局。西園飛蓋之會。南樓對月之集。竝據賓坐。跌宕賡唱。道光閒孫平叔。鄧嶰筠。兩尙書。以摛揆鴻彥。出專疆圻。與先生笙磬協音。蘿袞遺分。少陵之于鄭公。樊川之于奇章。相契之深。無以加焉。秋尊馳思。叢桂招隱。乃歸山陰舊廬。關小園于蓬萊之麓。風月半亭。中亭名。牛亭卽園。琴畫一榻。散髮花下。披襟柳陰。亦有浮蠃新醅。雙雞近局。艇小呼鴨。客來如鷗。相羊乎煙霞。嘯歌乎林壑。遂結梅花之社。招竹谿之逸。江湖長翁。谿南詩老。禪師白拂。道士元裳。前喁後于。此唱彼和。詩益清奇。真摯風發。韻流不名一家。去天三尺。凡兩刻其集。曰壽樟書屋詩鈔。鄧尙書所訂定也。其晚歲山居之作。曰安邨集。則同邑雪舫鄔先生所定者。自先生歸道山。去今三十餘

年矣。中經戎燹。鄉國淪胥。龍雷下呵。縹緲無恙。畸零珍棗。乃非璧全。壽懼其久而或佚也。敬加刪訂。合爲一編。用以作精華之別錄。冀天地之長留焉。客有見之者。曰。吾聞先生裏抱利器。不自奮雲霄。千金之聘。緣手輒盡。半刺之官。掉頭長謝。黃塵垂老。青鞵終身。故知先生者。莫不欽其才之長。而病其計之細。若乃區區語言。何係華瘁。忍而爲此。子胡爲者。壽應之曰。客休矣。高軒鶴望。望若神仙。葩瓜道前。藻旆擁後。以吳宰視之一腐鼠也。畫扁黼帳。燦然雜襲。量珠斗綠。標金錦黃。以鬼伯觀之一浮漚也。歲月水逝。富貴雲浮。古有不朽。立言其一。況先生之詩。指事直陳。卽境流唱。可以待輜軒之采。可以補志乘之缺。固非特流連花月。雕繪雲鳥而已也。作者往矣。遺文幸存。傳之其人。僕何多讓。客謝曰。有是哉。默然而退。壽遂書其緣起。及答客之語于簡端。

明處士吳慎直先生畫象贊

公諱均禮。字慎直。周泰伯之裔也。其先世爲越之蕭山人。曾祖歡。宋崇寧中進士。歷朝散大夫。江西轉運使。爲贅壻于山陰壺觴村。因家焉。祖潤元。至正中按察使。考德二未仕。遷家中州山懷信里。公其仲子也。幼籍豐華。長耽清約。悅志墳典。敕躬禮則。肥遯居貞。不應徵辟。天稟毅諒。鄉里敬憚。廉潔守道。不苟一介。子橫直節。流聲于旣旣。悅之清風。彌慎乎小小。以公方之。古今何讓。且夫膏用明煎。麝以香焚。出處不愼。君子傷之。當明祖龍飛之季。燕邸虎嘯之先。文峻網密。如火斯烈。士之挂朝籍者。往往文字階蹠。縞紵及殃。妻孥流播。枕馱荒遠。公以艾碩。生于其際。體備四素。家非單門。卒能蟬蛻囂埃之中。往臥槍囊之外。保

奠家室。樂享曼年。是非明哲。違患曷以有此。揚子雲之言曰。鴻飛冥冥。弋者何篡焉。言賢者隱處。不離于害也。公生于元至正甲申三月二日。以明永樂癸卯三月二十日病歿于里居。春秋八十。娶于周。生四子。淵、潛、誠、安。竝克秉義教。無忝素風。正統五年。東南薦饑。民就蒲羸。淵承公志。罄儲振之。全活甚衆。天子旌其義。遣行人勞焉。自是厥後。行馬施門。鳴蟬映鬢。繼繼仍仍。踵起勿衰。蓋公之流澤長矣。其族以公始立籍于邑。以爲州山始祖。二十二代孫某。敬思本源。瞻念規矩。以畫象請同邑王詒壽爲之贊曰。葆躬惟哲。範趨以道。言有壇宇。行爲坊表。德備一身。慶在百世。麀鳳踵游。金珪承志。式瞻遺象。粹然其容。清淑之氣。扶輿所鍾。越山蒼蒼。越水流長。永仰潛德。俎豆馨香。

綬雅堂駢體文卷四

陶子珍玲清仙館詞序

瑤瑟善怨。秋笛工愁。宛轉其音。倚聲爲近。自高樓暝色。播逸響於青蓮。流水桃花。標清芬于西塞。作者踵起。令慢備體。織冰綃於泉底。溜瓊蕤於露下。結縹緲之覓思。抒激綺之雅辭。比興所託。斯爲上矣。晚近才俊。目爲小道。恣爲奔軼。不知爐錘。妄言清空。適成淺衍。僉容簡狀。大雅鄙之。子珍之詞。標新霞表。鍊香雲液。鑄黃金事。夢窗而疏宕其氣。分白雲於玉田。而玲瓏其聲。祕色吐華。殊采簇璠。可謂出機杼于衆製。融情景于一家者也。僕早讀花間之集。學吹月下之笙。比方訂其蕪篇。被之梓瑟。敝帚之側。覩此瓌寶。雖非裸壤。駭觀于龍章。有類蛤珠。奪耀乎蟾朗。若夫斟酌宮羽。協和雅樂。愈唱愈高。所願共勉。來命徵言。爰抒弱藻。聊志同調。無常引喞。

越郡闌幽丁錄序

若乃稽山落日。弔謝女之芳蹤。虞水秋濤。拜曹娥之靈宇。門旌朗節。爪留碧血之痕。嶺號清風。石冷青苔之字。越中姬姜之懿。自昔爲多。遺徽所承。禮範勿替。日月千載。松筠一心。古人往矣。後來彌盛。曩者會稽晴佳。杜君懼懿美之勿彰也。志乘之無徵也。旣結同志。自有司歲彙其所采。請之中朝。旌以綽楔。復著其氏族。敘其始末。十餘年閒。先後香成。越郡闌幽甲乙丙三錄。自粵寇狂熾。鄉國淪胥。避地會皇。事遂中輟。

及事平。杜君歸道山。于是孫瘦梅觀察起而踵行之。窮訪八邑。苦心十年。丁錄一編。脫藁三易。夫寒泉玉井。秋心不波。瑤池古冰。春風何解。悲涼黃鵠。絕賢雄而戢飛。蕉萃文禽。誓雙死而瀾信。漆室有援琴之泣。陌上效桑婦之貞。女德之修。首惟立節。況自黃狐嘯火。青犢吹唇。鬼妾充娛。賢姜效死。女貞本後彫之木。詎移于烈風。幽蘭是靜女之花。亦成爲勛草。刀邊碧面。媿媿喋血之人。輒上青鬢。嚶嚶甘鞭之骨。漬衣赴義。漳江之水同清。攜手臨川。漢陽之魂不返。是尤繁霜之喬節。足垂皦日之令名者矣。然而未剖之璞。多絨耀于窮山。遭碎之珠。或湮彩于荒潦。假非周咨邃幽。咸表緹素。則嫩揚莫及。人代漸移。亦比之枯菱之蕤。流塵之景而已。且夫華績侈藻。不可以狀葆素之質也。譚詞乏實。不足以核茹苦之履也。爲列女立傳。原本蔚宗之書。分四端著錄。略變中壘之例。簡約乎其旨。質直乎其言。體格旣宜。婦孺能解。可以章懿美。備志乘矣。癸酉之秋。寫校旣竣。將付梓人。詒壽樂觀成書。辱承授簡。忘其緝雜。使爲弁言。霜梧夢冷。知無戟手之魂。錦字腸枯。敢謝腐豪之索。

仁圃張君畫象贊

君諱孔厚。字仁圃。山陰人也。其先世多仕宦。君少孤。弱冠入都。爲吏部掾。循資得清源尉。到官以能稱。壯歲解組歸。其所居地名松谿。先人之廬。五世合爨。羣從怡怡。家豪于貲。揮霍好義。視求金帛者。猶束縵請火也。咸豐辛酉。粵寇竄浙。越淪穢藪。委骸楚矚。哀號慘耳。子女遭掠。千百爲羣。君毀家傾貲。冒犯白刃。計給酋帥。釋生藏死。越守廖公城陷死節。君出其屍。殮葬成禮。埽氛之後。大帥今相國左公。知而義之。辟書

始下而君已歸道山矣。詒壽與君忘年結契。殊軀同心。自君之歿。屢憶典型。今其嗣君惟乾。以君遺象來請贊詞。爰就所知。敬述之贊曰。

觥觥張君。曲江之胄。華纓族鼎。青箱業秀。大穎豪眉。生異凡陋。儲性雄俊。樹質淵茂。早歲馳驅。上京十載。粉署襄勤。黃綬佐最。不卑小官。聊處下位。棲遲一政。游戲三昧。歸來故廬。松谿之灣。舍北春水。樓西遠山。琴畫位置。鵬鷺往還。君處其閒。娛樂閑閑。誨字羣弟。順輯無傲。姜被絮溫。田荆花笑。婦子熙熙。誰嘷誰噉。射牛可脯。罽貉匪教。里郇一視。毗隸履裙。借驢東家。撲棗西鄰。喝被樾夏。寒嘯風春。僦僦惡少。化厥惠仁。君之鬚髯。林林如戟。君之肝膽。皜皜如雪。丹旭四照。秋雲千尺。得一諾。可貫金石。子敬指困。堯夫贈舟。分金鮑叔。共裘仲田。乃及臧獲。寬容優優。壯哉雀鼠。不事距鉤。昔丁大亂。越爲盜壘。殺人類草。掠口成潮。妝紅鬼妾。鎧綠人膏。偪脅千狀。慘不敢號。君憫弱細。賂其魁渠。若放籠鳥。如縱罟魚。子無歸者。闕廬與居。飢無食者。脫粟與俱。積骸磊砢。穢不可目。蛇來吮腥。厖怒爭肉。君舍隆畝。攢土簇簇。奠彼殘魄。幽燐無哭。越守廖公。伏劍效死。骸橫蠡城。魂歸湘水。君計出之。殮葬備禮。拜跪感泣。舊部之士。迄乎事定。聞之帥臣。奔令出牧。招以弓旌。咸曰義士。東南之英。惜君羽化。早歸太清。當君之歿。遺孤幼穉。溫肅八易。頭角如此。敬倫似父。荀令有子。積善之慶。孰云莫恃。爰持遺象。來請贊詞。我昔與君。雲龍逐馳。蘭臭旣契。竹心可師。以我白望。感君青垂。嗟我落魄。磨蝎在度。頻遭勒紅。漸添鬢素。跛鼈見笑。俄麟誰訴。惟君知我。時有所助。憶君之情。潭水桃花。想君之神。碧天雲霞。式瞻冠佩。敬攜藻華。德風載述。以付君家。

讀江啟叔伏敵堂詩書後

夫麒麟蜚鴻之良。使之捕鼠。則拙于跛貓矣。金靈洪首之利。以之絕系。則侔于鉛刀矣。故有祕書名彥。不任于一官。負奇瑰才。見絀于百里。何者。用違其材。而志局于地也。江君啟叔。以浩落不羈之資。屈丞簿。浮沈之列。寒蟬片噤。首抑乎上官。媚狐善幻。心鄙乎巧吏。仇覽作簿。不解爲鷹。子猷署曹。惟見牽馬。攷績自甘于下下。同僚咸目爲閹。君鬱鬱不得志。卒貧困以死。吾讀其所著伏敵堂詩。劖肝爲句。抉髓鍊思。如古柯蘇剝。渴澗沙露。秋鷹怒擊。天風忽驚。子規夜呢。山竹盡裂。蠶叢力關。龍性難馴。世無奇才。卿當獨秀。說者謂劖刻爲造物所忌。憂苦非廟堂所宜。戾俗蹇遇。此卽其徵。不知文章因境而變。才人無適不宜。誠使挾其所蘊。致身青雲。掉鞅制作之林。吐氣殿陛之上。必將有雍容和平之唱。典麗喬皇之觀。用以振聲龍鸞。垂光虹蜺。何多讓焉。卽不然。而試萬言于荊州之門。散百軸于長安之市。美譽颺起。游道日廣。敏槃頽襟之集。授簡飛蓋之會。亦能致樓護五侯之鯖。索令狐千匹之縑。何至蕉萃困頓如斯哉。而乃磨蝎在宮。餓麟無食。彌生刺滅。阮籍途窮。抑身末階。託迹貧仕。遂使重瓏瓊寶。墮彩于濁淵。丹穴紺輝。齊邁乎凡。翻降心約性。無所表見。乃益縱其跡弛之氣。自廢于鞞版之中。徒發其蕭瑟之音。用抒其結轡之意。亦可悲矣。然而一編共睹。千秋可傳。前無古人。卓然作者。譬之屈原。殂謝騷經大著。王充彫落。論衡盛稱。則亦君不幸中之幸也夫。

嗚呼李君胡不少留。馭狐雲極。精實星樓。悲君燦忽。緬君生平。儒林循吏。萃乎一人。汝陰古郡。洵陽山邑。岐嶷之姿。鍾由世德。龍頷儲志。鸞藻飛聲。一譽之俊。千里之英。十試賢書。文章憎命。匪命之屯。進途有定。吳楚之郊。忽震金鼓。巨寇豕突。羣盜蠡午。妖旂千隊。別起魯齊。穎爲接壤。鳧僕夜嘯。君憤投袂。振臂大呼。蠶爾青犢。跳同黃狐。義聲颯舉。俊徒雲襲。申令以教。整旅而出。天子神武。駕馭英雄。平淮相國。收京令公。君隸其下。自成一隊。禽生縱騎。犯圍攜旂。神刀八尺。差差白光。電袞銀鶴。血雨金狼。或守要隘。臥熊當道。或搗堅砦。穴蠹迅埽。名書捷羽。功收汗馬。紅旂夜達。紫綸朝下。帝曰亂後。政首撫民。撫民之官。令爲最親。女功當賞。可授厥秩。毋曰微官。乃荷鉅責。惟浙之東。有邑浦陽。戈燹所歷。林蒸流亡。爰蒞我治。爰厲我精。字之以惠。招之以誠。瘡痍斯起。康娛可待。黍野苗肥。柘村絲美。乃立條教。威以濟仁。風德九赤。迹斂雕青。政令既肅。文教亦起。鹿洞延儒。鶴俸餼士。我權教諭。與君同舟。耳飲芳烈。心嚙淑休。氣合苔岑。香忘芝室。兩載相聚。一年之別。去秋聞君。劇邑量移。暨陽之民。瞻望旌旂。境屬蠡州。地接鷗里。庶幾宇下。我亦赤子。何圖凶耗。忽達江關。傅譜韜藻。宓琴罷彈。愷澤常流。長河遽絕。知彼士庶。搏頰雨泣。嗚呼李君。死何太早。年既非衰。事多未了。有母龍鍾。雪髮早盈。有子鳳毛。翬翻未成。君嘗謂余。歸田何日。奉母課子。樂此晨夕。清風兩袖。秋水一卮。卞投有幘。裴還無資。鬼伯不仁。皇穹太酷。盡室殊鄉。惟有一哭。桐棺七尺。白雲萬重。何時柳毅。歸奠楸宮。嗚呼李君。道義之友。淚飛花縣。神馳絮酒。君身隨化。君靈在天。攜此哀肌。庶幾鑿旌。

乞巧文

癸酉孟秋七日既夕。薄陰初斂。微涼灑然。王子于是散帶乎花下。解襟乎風前。翫素月之在庭。賭華星之麗天。有女媧媿。瓜果列筵。曰是良夕。天孫過焉。天孫司巧。厥職惟專。祀以乞之。用是告虔。王子乃悄然以思。喟然以歎。自傷蹇拙。爲涉世患。在昔柳州。陳詞絢煥。矧余冥頑。敢曰荒誕。爰注清茗。爰整褙巾。偃僂伏地。稱螻螳臣。而進曰。世之險艱。叢棘夾路。顛踣喘汗。不可以步。彼獨何人。優游翔鶩。頂圓趾方。等此天賦。彼得大巧。故鮮所忤。何臣奇偏。乖繆錯誤。扞此鄙忱。瀝丹以訴。慕陶景猗。今之風俗。致富有術。呼虜非辱。爭黍較金。論銖衡穀。或落一毛。儼剝片肉。不嗜胡聚。不守胡足。財實有神。神降之福。雄長里閭。趨走戚族。亦尊曰翁。肥頭大腹。而臣之拙。謂此有毒。但令看囊。無事障籠。隨手屢盡。楛而不復。坐此長貧。飢困局促。逐熱而集。望火而趨。視登華屋。若履天衢。巖巖大人。儼然高居。聆咳辨佛。望眉識愉。趨躄升降。鵠鴛雁舒。韋骨旣具。梏貌亦俱。大人乃悅。乃悅乃譽。淑問雀跖。崇榮龍攄。而臣之拙。傲性夙儲。好惟奇服。曳謝長裾。木強不媚。蹇假若迂。爲世警醜。目爲狂愚。玲齒宛轉。簧唇流離。鸚動瀾翻。不可端倪。劇且成莽。飾跖爲夷。巨談浩瀚。細語囁呶。葩豔四燦。琚屑亂飛。隨會而發。莫不中機。當者退舍。聽者忘飢。吾舌尙在。何願不躋。而臣之拙。匹艾儷期。蔑喙之長。懼食而肥。直旣還俗。呐亦召譏。美詞強學。汗流溼衣。若有人兮。名騫青雲。問若胡恃。曰恃吾文。是有時尙。匪取其真。鯨鏗鏗鏘。蒙虎彪彬。銑谿虬戶。變幻若神。天吳紫鳳。顛倒乃新。世有巨目。寶若鏐琳。交口而譽。謂轢古人。而臣之拙。犛牙斷斷。踏墨慮越。紐古防芴。詎能澤蠟。以象梭麟。天寶之眉。非世所珍。是皆大拙。尤悔所自知。而勿悛。病在肝肺。敢乞聖靈。鑒此誠摯。蘭旂桂旂。停雲下視。

扶臣筋強。俾臣體妍。金丹骨換。神鍼癘疢。圖機斯悟。故態志捐。庶幾獲吉。爲世所憐。仰惟聖靈。聰明之府。繡媛組娥。薦亦勿吐。豈臣之微。厥誠乃阻。焚香再拜。敬俟靈祐。

海運賦

我聖清撫黃麟之瑞甸。膺紫鳳之瑤圖。則鱗壤以定賦。頒鴻憲以徵輸。歲轉百萬。北貢上都。慶神倉之隱賑。充天庾之珍腴。二百餘年來。風清漕路。煙淨川途。首淮浦以啓運。遵潞河以順趨。岸橈無阻。修渠不迂。挂席則聯雲一片。整舵則銜尾千艘。固已江靈效命。河伯前驅矣。然而事有變通。政有更置。軫轉輸之勞。籌度支之宏濟。于是我成皇帝。乃運聖謨。采廷議以爲在。昔鴻溝遠溯。太原集輓粟之船。鶴哨橫飛。遼海有雲帆之使。惟因時以制宜。庶源流而不匱。遂改津路之價個。就海程之捷易。斯蓋酌經權于執中。將以擅利涉于萬世者也。爰敕疆吏。爰定規模。具金翅之峨舸。衛畫鷁之飛艓。旂分幫而標繡。員選俊以承符。每當秋賦既畢。春氣欲蘇。瑤粒雪疊。絳桅雲扶。伐開帆之鼓。指神山之隅。珠洋彩映。碧澥錦鋪。過鷹門而遠駛。歷狼沙以若鼻。波推濤駕。旭旦霜晡。千夫高坐。萬歲齊呼。曾不費旬月之勞。而安然已抵乎神區。或者曰。自絳雍泛舟。水輓肇役。黃腫起運。河道斯通。漢唐承之。迄乎始終。若乃大海之內。百怪所宮。黑水綠水。鱷風颶風。神魚吹浪。妖蜃吐虹。顛危舟楫。飄若斷蓬。減費則薄。得甌斯豐。故元自至元以後。明常永樂之中。驚覆溺之屢告。致正供之不充。則意者從海之險。而莫測。不若從河之安。而有功乎。雖然是說也。亦特據其常者而言之耳。夫國事不可以淺見度。王化不可以一軌量。方今布帝恩之湛濊。徧海宇而汪

洋試觀自海運以來。于茲三十餘年矣。舳艫所至。玉粲飛香。靈胥執弭。以擁衛。冰蠭擊鼓。以趨翔。泛三十六洲。若衽席。經一百五島。如康莊。皇波無惑。怒颿不揚。鼉鼉迎使者之旆。龍蜃拜旌節之光。咸重洋之迅渡。稀漂流之失防。斯皆盛世無疆之福。而亦由駕御之盡善。會哨之周詳。則固非元明之代。所得較其短長者也。況邇者島夷效順。颿輪騰箴。轉雷機而若飛。縣璣鏡以定點。長脰鶻疾。深目鷹閃。窺海水以早測。識礁砮而能刻。艫穹則千斛可儲。浪激而萬里一奄。準金鍼以指程。吹銅角而警險。以是爲飛雪之將。以是免海鯿之檢。益寡費而鮮虞。洵有合乎聖儉。若此者。尤今時所創見。爲往代所未知。懿與休哉。聖天子之澤普矣。黔庶旣捐夫煩役。倉庾仍實乎京師。無水仙之出沒。有天后之護持。淞水鼓桃花之浪。津門駐楊柳之旂。雀鼠無耗。鴻龍竝馳。故凡馬氏王氏諸家之論。所謂費人之弊者。皆不足例宏謨于今茲。敬爲頌曰。惟帝出治。準賦什一。廟社所繫。供輸勿絕。東南奧區。飛輓歲率。滄海鏡激。檣櫂羽疾。魚龍俱馴。風雲皆吉。九重告慰。羣僚晉秩。中外歡騰。瞻天仰日。

燐火賦

歲辛酉。粵寇陷越。癸亥冬。官軍率泰西軍攻之于北郭。其軍華人而夷其裝。驍悍能戰。夷帥又驅士庶持攻具傅城。旣而軍敗。則併殲焉。及事平。白骨蔽野。聚而瘞之北原。叢莽陰翳。夜則燐火四出。王子適見也。遂爲賦以弔之。

繁金素之蕭慄兮。盼宵原以陰森。蟾淪淵而無光兮。煙囂野以沈沈。曠四顧其無人兮。惟脫葉之悲吟。有

幽燐之越莽兮。若流螢之出林。始孤燭之隱見兮。漸衆星之錯落。乍逡巡而前卻兮。又悅歛而留霍。紛蜚蠹其若相聚語兮。復凌突若相譴。俄凝佇而不移兮。慘依依其若思。抱煩冤而莫訴兮。渺殘魂其安歸。怯驚飄之忽起兮。將零亂以四飛。曠野不可以久居兮。聲隱隱其若泣。而若悲。悲乎哀哉。傷紛紜之何辜兮。乃同罹此酷烈。惟人命之至重兮。倏鴻毛之輕擲。問女生之何爲兮。原愚秀之殊役。莽蟲沙之等化兮。夫何分乎玉石。彼將軍之桓桓兮。氣彪虎而鬚磔。天方縱妖鳥以翅張兮。亦等歸于喪誠。赫橫草之八尺兮。孰裹之以馬革。合兵庶以併命兮。血入地以殷殷。狐戴頭以人立兮。又攫肉之多烏。鳶白骨縱橫其不可以目兮。聊聚之于荒原。氣黯黹而霽旦。若雨兮。髮蓬顆其如山。漸年深而爲靈怪兮。閃碧火而去來無端。吾誠莫能辨女爲誰何兮。知其中當有舊知。女有靈將尙識吾兮。爰長揖以陳詞。女生既不幸踐此。既慘兮。死又魂魄無所依。願安此岑寂之鄉兮。毋憑草倚木以爲威。緬上帝之至仁兮。將命巫咸以招之。待聯翩而上征兮。親光化其有時。語未畢兮。飄風駛。宿鳥啾啾兮。驚欲起。光四散兮。雲冥冥。聆山寺兮。霜鐘鳴。

李絳真宰相論

從來居安志危。啓沃必資良弼。處近慮遠。社稷貴有重臣。況唐當憲宗之時。強藩虎踞。梗化者五十餘州。曠地狐鳴。徵賦僅百五萬戶。朱邪部曲。祇保黃花。犬戎跳梁。屢窺赤縣。此正王者宵旰之秋。臣子圖報之日也。方夫九重相對。二相颺言。李吉甫飾宇內以太平。導宸衷以晏樂。設絳隨聲諸黨。貢諛博容。縱君王有道。未必喜悅媚之言。而國事苟安。將漸啓優游之習。宜乎憲宗聆其時事之陳。惕其危言之切。而慨然

有真宰相之歎也。夫鼎職之所重者。翊匡之力也。人臣之所戒者。阿順之風也。唐興以來。陪雉尾。宴龍津。列金字之碑。陟靈芝之殿者多矣。雲龍合契。笙磬同音。規獻得大臣體。發言繫天下重者亦衆矣。卽元和之閒。如杜裴韋李諸臣。或以善謀。或以持法。或以鯁直著。或以忠實聞。類不愧黃扉補袞之才。紫殿調鈞之選。而絳以渭南一尉。特受主知。學士銀魚。拜鸞坡而結佩。舍人金帶。選象笏以親頒。二年之閒。洊至宰相。其忠貞之性。加以感恩。其亮直之懷。發之于奏對。迨乎開延英而前席。獨進悚詞。實早懷積薪于寸衷。有懷憂國。嗟乎。絳雖無洗光咸池。汎檝洪源之鴻風。而遭遇明主。得盡所懷。誠可與諸賢相並論矣。且絳之可謂真宰相者。亦非僅以一節取也。當李錡伏鉞之先。浙右用兵之日。流血徧千里之地。剔髓搜六州之金。絳則代黎庶償逋租。爲國家培元氣。雖未登乎政府。已遐播夫仁聲。至夫吐突承神策之寵。安國建聖政之碑。一豎軒眉。百官結舌。振玉珂以拜表。天迴日月之光。斥罽嶧之侈談。筆挾風霜之氣。所以飭政經也。所以杜奢習也。若乃北廊極論。不憚批鱗。東庫虛移。敢爲繼踵。以及陳治亂之理。辨卜筮之誣。挽金戈于一語。潛銷紫甸之兵。返玉敕于九天。并放丹王之侍。莫不殫衷展悃。罄抱輸忱。視彼脂韋自營。依何者號模稜之手。儒厚自尙。唯諾者書聯署之名。其相去爲何如哉。然則所謂真宰相者。實惟絳能任之。亦惟憲宗能知之。君明臣良。亦千載一時矣。

